

四庫全書

集部

欽定四庫全書

集部

南宋禠事詩卷五

詳校官監察御史_臣孫家賢

主事銜_臣徐以坤覆勘

覆校官編修_臣汪鏞

校對官助教_臣羅萬選

謄錄監生_臣趙興文

欽定四庫全書

南宋禱事詩卷四

錢唐符曾撰

龍衮宮衣拜玉階
乾安樂奏紫雲開
潮沙築得平如席
五輅新從大禮來

武林舊事冬至或元旦有事南郊自嘉會門至麗正門計九里三百二十步皆以潮沙填築其平如席以便五輅往來至期上服通天冠絳紗袍升自午階天步所臨皆藉以黃羅謂之黃道中貴一人以金合貯片腦迎前撒之時壇壝內外凡數萬衆肅然無譁天風時送佩環韶濩之音正如九天吹下也并陽老人詩云黃道宮羅瑞腦香衮龍升降佩鏘鏘大安輦奏乾安曲萬點明星簇紫皇

臨池太母照鸞釵欄幕休遮秋水涯小住玉田香世界
芙蓉尤在卧看佳

四朝聞見錄北宮與東園最近旬浹間即恭請憲聖
臨幸屬芙蓉臨池秀發遂白憲聖請登龍舟撤去欄
幕卧看尤佳憲
聖欣然從之

玉堂宣勸紫金盃秋色偏將山翠餘著就麟臺傳故事
白團扇又賜親書

石湖集寓直玉堂拜賜御酒詩歸雅陸續墮宮槐簾
幙參差晚不開小雨逐將秋色至長風時送市聲來
近瞻北斗璿璣次猶夢西山翠碧堆慚愧君恩來甲
夜殿頭宣勸紫金盃麟臺故事程俱紹興初為秘

書少監時庶事草創撫三館舊聞撰為書曰麟臺故事
浮溪集序高宗以所御白團扇親書紫誥仍兼縮黃麻似六經十字以賜汪藻

一帖驚黃印擅奇鼠鬚瘦筆費尋思空餘內府裝褫手
何處梅花問玉池

輟畊錄蘭亭一百十七刻迺理宗內府所藏裝褫作十冊每版有內府圖書鈐縫玉池上又京師有驚黃棗木印又舊梅花新梅花皆刻名

太學牢丸細麵澠山厨筍蕨未堪儔諸儒坐飽彭生肉
玉楮篇中著意收

欽定四庫全書

南宋稗事詩
卷四

二

玉楮集饅頭詩幾年太學飽諸儒餘伎猶傳筍蕨厨
公子彭生紅縷肉將軍鐵杖白蓮膚芳馨政可資椒
實麤澤何妨比瓠壺老去齒牙辜大嚼流涎聊
合慰饒奴 武林舊事蒸作從食有太學饅頭

翻出游絲別樣多春蠶一縷奈愁何正書筆力無人繼
博得思陵歎九歌

攻媿集錢唐吳傳朋游絲書前無古人
御定書畫譜仲明舉題吳傳朋草書詩云春蠶一縷來不斷石

鈞筆力歸毫芒 畫禪室隨筆傳朋正書為宋朝第
一今觀九歌深得蘭亭洛神遺意高宗洞精筆法至
為閣筆歎
賞不虛也

液雨深宮落葉零煖盃行處疊寒屏御爐新進嚴州炭

不用桃紋鶉鵲青

夢梁錄十月中雨謂之液雨百蟲飲此而蟄老學
菴筆記高宗幸臨安詔嚴州進炭止用土產不用琴
樣胡桃紋
鶉鵲青

多福塔前竹一叢憑將妙偈問支公清風淇澳無尋處

曲曲斜斜自不同

指月錄宋杭州多福和尚居多福寺僧問如何是多
福一叢竹曰一莖兩莖斜曰學人不會曰三莖四莖
曲咸淳臨安志多福院乾道三年建移請今額
六研齋筆記梅花道人一葉竹題云誰云古多福三
莖四莖曲涼陰生
研池清風滿淇澳

卷裏光陰客憶家墨梅飄落又天涯旗亭摘句空題遍
新體何人愛杏花

簡齋集高宗喜陳去非客子光陰詩卷裏杏花消息
雨聲中之句晚年益工旗亭傳舍摘句殆遍題寫號
綢新體容齋五筆崇寧朝時相不許士大夫讀史
作詩政和後稍復為之陳去非以墨梅絕句擢真館
閣

絲桐雖博思陵悅日給黃金未足誇有子絕絃教別藝
幾年幾世遇官家

四朝聞見錄琴師黃震後易名振以琴召入思陵悅
其音命待詔御前日給以黃金一兩後黃教子乃以

他藝人語以爾子不足進於琴邪黃喟然嘆曰
幾年幾世又遇這一箇官家黃死遂絕絃云

參政門前畫戟枝客來倒屣未為遲爭歌燭影搖紅句
見了何如不見時

後邨詩話嘉定更化收召故老一名公拜參政雖好
士而力不能援謂客曰贊而來見者吾皆倒屣未嘗
敢失一士外議何如客素滑稽稽答曰自公大用外間
咸唱燭影搖紅之詞參政問何故客舉卒章曰幾回
見了見了還休爭如
不見賓主相視一笑

清秋風月小裘回內苑無人共把盃聊寫一聯詩折簡
橘香酒熟待君來

四朝聞見錄孝宗以太母故加眷吳郡王益益太母弟也秋氣向清聖意怡懌手書御札一聯云稱此一
天風月好橘香酒熟待君來命近璫持賜益益入對
頓首稱謝上笑曰卿復當折簡耳按此與西湖志所
載異

五字空題處士墓冷香魂斷喚難回當時若守臨安郡
未必清風在鶴梅

咸淳臨安志紹興有旨徙僧廬惟處士林逋墓詔勿
遷菊潭集和靖墓詩定知魂在梅花上祇有春風
喚得醒老學菴筆記金使自云悟室之孫喜讀書
鄧千里館之道西湖至和靖祠忽問林公常守臨安
耶千里但
笑而已

蛾雪蟾冰舞萬妝
天街燈火數錢唐
三更鼓吹聞清禁
一笑君王樂歲康

惜香樂府探春令
元夕詞去年元夜正錢唐看天街
燈火鬧蛾兒轉處熙熙笑語百萬紅妝女
經鉏堂雜志元夕後三日宣嗣秀王及其諸子宴集壽皇云
聞得外間鼓吹喧聞想是民間歡樂秀王云連年豐
稔民間稍康
所以致此

才見貧兒打夜狐
禁園鼓吹又喧呼
東華門外龍池上
埋崇年年果有無

夢梁錄十二月二十四日後街市有貧丐者裝鍾馗
小妹等形敲鑼擊鼓沿門乞錢謂之打夜狐
又除

夕禁中呈大駝儀儀係皇城司諸班直戴面具著綠
畫雉色衣裝手執金鎗銀戟畫木刀劍五色龍鳳旗
幟以教樂所伶工裝將軍符使判官鍾馗六丁六甲
神兵五方鬼使竈君土地門神戶尉等自禁中動鼓
吹驅出東華門外轉龍池灣謂之埋祟而散又云
入登平坊沿內城有內門曰東華沿內城南皆殿
司中軍立寨名護聖寨寨門外左右俱置護龍水池
案登平坊在今清平山巷對可想見宋內城故址
也

院籜宮桃白露零仙娥遺象翠亭亭空傳勅祭文淒絕
縹緲雲中叩玉局

七修類藁云閭妃像在集慶寺按西湖志但云理宗
御容一幅仇仁近山邨集閭氏園池詩真妃已返

鳳臺仙獨立池亭思愴然海岳不傳青鳥信石房誰
伴白雲眠宮桃移種難生實院籜初翻又引鞭凝碧
荒涼絃管靜萍花浮滿釣魚船德隨隱漫錄姚勉述
勅祭閭妃文曰五雲縹緲誰叩玉扃上曰朕雖不德
未如明皇
之盛也

茅山淤塞復開挑一閘長河暫閉潮八尺碧波亭下水
清流今得過鹽橋

咸淳臨安志茅山河縱復淤塞乃在戶稀少村落
相半之中雖不免開淘而土泥有可堆積又長河
堰下船置一閘每遇潮上則暫閉此閘又梅家橋
下量得水深四尺碧波亭前水深八尺則鹽橋河亦
無涸竭
之理

髮白從來能示老烏髭藥贈自何人笑他狀問箕仙語
早向宮中召小陳

四朝聞見錄光皇春秋已富且又自宮中尹天府入侍重華從容啓上以有贈臣烏髭藥者臣未敢用上語光皇曰正欲示老成於天下何以此為又今所請仙蓋小陳也光皇尹天府日久遣黃門召其父以入上著白絹衫繫小紅條見陳入避之徐遣召陳黃門設香案金屈卮酒金樛盞生果三釘炷香焚所問狀仙遂降於箕書光皇某年月日有所就黃門持以入出則就以酒勞陳且贈金帛遣出

碧玉方池墨一泓秋風拉瑟老蛟橫宋臣自有蔡卿在
曾識操觚有殺生

秋澗集德壽殿玉方池研詩玉斲坤形靈四溟丹書
猶認壽宮名紛紛落墨蛟騰霧謾謾秋風拉瑟聲神
物不知崑火烈碧絲今對玉堂卿眼中多少興亡事
白髮孤臣最愴情自注當時同僚承旨留中齋學士
劉東崖侍讀趙方塘皆宋人也 妮古錄宋高宗建
炎以已所常用之硯賜蔡崇禮上刻御書銘曰操觚
濡墨分中有殺生造
次必思分令世可行

筵蓋新從赤岸開待他北使賀春來傳宣直到班荆館
風藥花錫賜得回

武林舊事北使到闕先遣伴使賜御筵於赤岸之班
荆館中使傳宣撫問賜龍茶一斤銀合三十兩并風
藥花
錫

噴飯何須強效顰別時無復望車塵不知涕淚楊原仲

何似藤州談笑人

容齋五筆楊愿善佞動作悉效檜嘗因食噴嚏失笑
愿於倉卒間亦佯噴飯而笑左右皆哂泰察其奉已
愈喜既亦厭之諷御史排擊而預告愿涕淚交頤曰
太師恩過父母一旦別去何時復望車塵馬足耶
放翁題跋李莊簡公為檜遠謫藤
州談笑而去青鞋布襪即日便行

三處胥山一處雄廟名永固颯靈風笑他義祖閨中配
何事仙妃亦濫封

閒窓括異志嘉興有胥山杭州吳山亦名胥山吳縣
亦有胥山其名非一
魏郊錄中都吳山城隍廟額

曰永固 十國春秋注徐溫妻
白氏宋理宗追封為原闕仙妃

端平敗相樂相羊玉帶空傳出尚方日與門生飲酒快

祇知風月在漁莊

清高集傳淳祐丁未鄭清之再相鄭震登門罵曰端
平敗相何堪再壞天下被執女子俱下獄京尹趙與
憲縱之鄭罷相乃免 宋史鄭清之傳上遣中使賜
御書輔德明謨之閣賜楮十萬緡為築室乃日與賓
客門生相羊山水間 又賜玉帶更賜第於西湖之
漁莊 又方與客飲舉杯曰今日飲此酒殊快 癸
辛雜識清之淳祐再相政事多出姪孫太原手昏繆
貪汙有作詩譏云先生自號為安晚晚節何為不自
安

擔無市物累歸裝日日還家費較量却與載書惟兩篋
一般徒步出錢唐

鶴林玉露楊誠齋立朝時計料自京還家之費貯以一篋鑰而置之卧所戒家人不許市一物恐累歸擔日日若促裝者宋史歐陽守道以言罷歸徒步出錢唐唯書兩篋

約齋桂隱閉閒門接樹栽花法尚存羨殺貴人堂下竹
盡將細麥拌陳根

游宦紀聞張約齋種花法春分和氣盡接不得夏至陽氣盛種不得二老堂雜誌臨安貴人家種竹木以麥拌土實根下雖盛夏亦生

卿冒風霜意不安
盛秋之際馭征難
繡韉香餅尋常賜
祇領官家念苦寒

金陀粹編賜鄂王勅御盛秋之際提兵按邊風霜已
寒征馭良苦如是別有事宜可密奏來 又十二月
大雪苦寒遣詔賜器物宣撫問兼賜御札云戰鞍繡
鞍各一對龍涎香一千餅龍茶一合靈寶丹一合鐵
簡一對賜卿
至可領也

搜閱虛勞歲月遲
御前冊進笑支持
僅將婦女神仙語
括湊唐人絕句詩

四朝聞見錄孝宗從容清燕洪公邁侍上語以宮中
無事則編唐人絕句以自娛今已得六百餘首公對

日以臣記憶恐不止此上問有幾公以五千首對上大驚曰若是多耶煩卿為朕編集洪歸搜閱凡逾年僅得十之三至於裨官小說神仙鬼怪婦人女子之詩皆括而奏之迨以進御上固知不迨所對數然亦嘉其敏贍亦轉秩賜金帛

已見雞竿樹上臺黃旗祇待鶴書開太平萬壽宣恩處
滿道鈴聲報赦來

武林舊事肆赦日駕自文德殿詣麗正門御樓教坊作樂宮架奏曲簾捲扇開宰臣以下分班立中書令稱有敕立金雞雞竿一起門上仙鶴童子捧赦書降下閣門提點開折授宣赦舍人起居舍人一員摘句讀宰臣以下再拜俟讀至咸赦除之獄級奏脫枷訖罪囚應諾三呼萬歲而出金雞竿高五丈五尺四面

各百戲一人緣索而上謂之搶金雞先到者得利物
呼萬歲諸州奏進院各有遞鋪腰鈴黃旗者數人俟
宣赦訖即先發太平州萬州壽春府取太平萬壽之
語以次俱發鈴聲滿道都人競觀樓下排列次第有
宣赦臺夢梁錄明裡禮成登門
放赦金雞唧紅幡上書皇帝萬歲

乞試同文慟未遭九重震怒隸波濤後來奉使中華日
憶否宮門白紵袍

四朝聞見錄歲當大比有黃姓士人率其徒詣闕乞
試同文館不報黃以其徒伏德壽宮祈哀太上覲宣
諭孝宗德壽以閒人不管閒事卻其奏黃遂與其徒
向宮門大慟且所服白紵袍也孝宗震怒勅有司杖
黃背黥隸海島黃因竄入高麗國主用為相後以
使事至闕見於孝宗暨其主倦政遂授以國云

鵲脯曾供祇候官清詞唱出玉笙寒淒涼老抱東都感

猶譜金人捧露盤

宋史本傳曾觀字純甫汴人紹興中以寄班祇候與
龍大淵同為建王內知客老學菴筆記曾純甫問

一客蕭鷓巴可對何人曰可對曾鵲脯觀有海野
詞一卷絕妙詞選純甫東都故老詞多感慨如金

人捧露盤憶秦娥等曲淒然有黍離之感
砌下水潺潺玉笙吹暮寒亦純甫詞句

綠幔緋簾挂竹叉討春遊屐過分茶牡丹水餅丁香角
踏遍湖堤問杏花

夢梁錄開沽店門首綠畫歡門設紅綠杈子緋綠簾
幙貼金紅紗梔子燈廳院廊廡花木森茂大几麪

食店謂之分茶店更有絲雞麪桐皮麪又六部前有丁香餛飩此味精細又有牡丹餅薄皮春蠶笑靨兒宋稗類鈔湧金門外有杏花園

醺設天台空奏章乞兒火冷盡荒涼於今樹倒猢猻散不似平江周一郎

老學菴筆記檜初得疾遣李季設醺天台行至天姥嶺下遇一士問曰為太師乎曰然曰徒勞耳季遂歸談藪曹泳侍郎妻碩人厲氏餘姚大族女方泳盛時鄉里奔走恐後獨碩人之兄厲德斯不然泳怒帥越時德斯為里正泳風邑官脅治百端竟不屈會之甫殂乃遣介致書於泳啓封乃樹倒猢猻散賦一篇武林舊事弄猢猻人平江周一郎盧溪集雷雨沅湘振滯冤皇恩普出九重天乞兒猶戀權門火應

謂死灰能復
燃刺申王作

麟麟月馭上青冥流落人間有石經還驗中宮璽文在

始知憲聖擅蘭亭

中興小錄吳后嘗臨蘭亭帖佚在人間咸寧郡王韓
世忠得之表獻上驗璽文知為中宮臨本賜保康軍
節度使吳益刊於石時紹興十五年秋七月丙寅
四朝聞見錄高宗御書六經嘗以賜國子監及石本
於諸州庠上親御翰墨稍倦
憲聖續書至今皆莫能辨

愛得清言畫手工至今繪苑邈餘風綠荷障子臨秋水

一穗疎花上草蟲

朱昱毘陵志於清言晉陵人工畫荷花獨步一郡寧
宗朝以荷花障進特旨授承節郎 圖繪寶鑑嘉定
間清言專畫荷花
草蟲世號於荷

唱徹杭州更不回玉壺春賞遍樓臺遺民空掬中原淚
猶說河流天水來

宋樸類鈔謝處厚有誰把杭州曲子謳之句 老學
菴筆記淳熙中河決入汴謂之天水來天水國姓也
遺民以為
恢復之兆

誰信君王嗜學奇筆痕墨滓遍淋漓才臨五百蘭亭本
更寫香山秋水詞

益公題跋白詩有秋水淅紅稻朝煙烹白鱗蓋於飲食默寓忠愛不忘君之意孝宗每愛書之三百餘年重遇聖明發揮老學卷筆記高廟臨蘭亭賜壽皇於建卽後批云可依臨五百本來看兩宮篤學如此

十年閒味梅花詠一日春風楊柳愁俱是可人詩賈禍

不如同泛北山舟

後村集劉克莊詠落梅東君謬掌花權柄却忌孤高不主張讒者箋其詩以示柄臣由此閒廢十載集中有贈陳起詩陳侯生長繁華地却以芸香自沐薰鍊句豈非林處士鬻書莫是穆叅軍雨簷兀坐忘春去雪按清談至夜分何日我閒君閑肆扁舟同泛北山雲案春風楊柳陳起事詳見第六卷注中又賣書者別有小陳道人為賈似道編管

一編小說奉昇平德壽間消永日清笑喚何人來演史

穆書生與戴書生

武林舊事德壽宮演
史有穆書生戴書生

玉花按碎泛春壺開謝春風夢惡珠二十五枝香冉冉

綠雲晴雪遍南湖

朝天續集觀張功甫茶蘼詩有香雪南湖今誰有碎
按玉花泛春酒 武林舊事約齋北園有惡珠洞植
茶蘼二
十五株

產圖吉位用生方宮婢宣來踏逐娘先日申聞學士院

淨除胎髮撰文章

武林舊事宮中有娠令太醫宿直供畫吉位生方合用藥材催生物件又令踏逐老娘伴人乳婦抱洗

女人又申學士院撰述淨胎髮祝壽文

小學源流識者稀桃菜

舊

柳亞辨纖微舍人手指雲萍

錄協字偏旁果是非

湘煙錄洪景盧周茂振入館謝啓云桃菜難悟柳亞本同閩康侯曰荀子疇菜敝而不反其常注菜讀為舊古文篆卯字讀當為柳游宦紀聞包避字敏道在臨安謁魏舍人了翁蒙予進因出雲萍錄令書包有六子皆從心其間名協者舍人指曰此非從心乃是從十有館客李丈留心字學待為叩之少選李至

遂及此云其義有二從十乃衆人之和是謂協和萬
邦之協從心乃此心之和是謂三后協心之協李名
肩吾眉人案肩吾
有詞見絕妙好詞

左右江湖駐蹕初鬱攸飛燼少安居休言兩火兼三火
自是臨安火政疎

楓憲小牘紹興二年五月大火被燬一萬三千餘家
皆以為中興之初改元建炎致此但臨安撲救視汴
都為疎白獺髓紹定初御街中瓦前賣
團子者目為三火下店遂為失火之識

昭慶鐘樓竹影斜坡公手蹟舊籠紗誰教粉墨移京口

燈暗長廊起暮鴉

二老堂雜志西湖昭慶寺有鐘在樓上東坡寫竹尚
可辨竹下題云夫子方明弼康道嘉甫子瞻同遊庚
午八月日題予紹興庚辰往觀則已茫昧後移往鎮
江府謝后功德院不復可見靜佳集昭慶寺詩幽
尋得勝趣城市幾人能古柳深中磬長廊盡處燈畫
龍聽說法塑佛看齋僧別寺經行徧茲遊昔未曾

貴妃久矣返星輶猶有香魂屬望仙露重月斜凝立處

玉梅花影澹如煙

異聞總錄咸淳間游士胡天俊於梅樹下得一白羅
帕上題詩云蕭蕭風起月痕斜露重雲鬟壓玉珞望
斷行雲凝立久手彈珠淚滿梅花胡明日以帕示人
趙永壺駭曰吾亡妾杭人喬氏望仙貴妃姪女也去
年暴亡殞梅樹下
此正其筆蹟也

花邊無事簇戎鞍乘轎都城許從官最稱踏青流水步
繡裙掛在隔簾看

雲麓漫鈔故事百官入朝並乘馬自渡江後方乘轎
迄今不改竹屋癡語御街行賦轎云筠藤織就花
紋細稱穩步如流水踏青陌上雨初晴嫌怕溼文鴛
雙履要人送上逢花須住纔遇處香風起裙兒掛在
簾兒底更不把窻兒閉紅紅白白簇花枝恰稱
得尋春芳意歸來時晚紗籠引道扶下人微醉

芙蓉高閣倚層嵐兵氣休侵酒半酣暗浥龍巾兩行淚
幾人回首望江南

吳淵穎集理宗在宮中嘗被酒上芙蓉閣見
淮上有黑棹十餘年不散南逼江淒然淚下

地下鉛筭黯澹秋赤松何處伴同遊他時雖逐圖南去
說著蒼生祇益愁

朝野遭紀岳飛之斃於獄也獄卒隗順負其屍葬之
北山之濬及其死也謂其子曰異時朝廷求而不獲
必懸官賞汝告官曰棺上一鉛筭有棘寺勒字吾埋
殞之符也後果購其瘞不得以一班職為賞其子始
上告官悉如所言七修類藁金陵士人召仙得詩
云風露淒淒雨過天疎窻有月到牀前夜深不作紅
塵夢注得南華四十篇又云強金撓撓我提兵血戰
中原恨未平大厦已斜支一木豈期長脚悞蒼生二
人乃陳
搏岳飛

寶墨叢奎四軸餘史家恩勅等瓊琚內官亦有金絲扇

隨駕今朝盡賜書

乾淳起居注淳熙五年太上賜史少保御書四軸隨駕宮人內官並賜金絲御書扇

紅粉青衿盡北征昨宵丞相已書名秀才揀去將何用也與宮人合隊行

水雲集有北師要討撒花銀官府行移逼市民丞相伯顏猶有語學中要揀秀才人又有三宮今日燕山去春草萋萋上玉階

怡悵孤山第一春墓田處士有比鄰也知諫草名傳世空把梅花問故人

深雪偶談秋壑送朝客詩頸聯云梅花見處多留句
諫草歲來定得名 宋稗類鈔賈似道別於西泠之

外架樓臨之曰

第一春梅塢

冰盤角黍浴蘭時內司爭先雕刻奇亦有彩金紗盞子

一枝通草貌天師

楊太后宮詞角黍冰盤貯豆裝酒闌昌歎泛瑤觴
夢梁錄浴蘭令節內司意思局以紅紗彩金盞子或
菖蒲或通草雕刻
天師馭虎像於中

老秦筆意授雕兒遂壞紅羅岳字旗可惜東松菴壁上

一行遺墨見淋漓

宋史凡論人章疏皆檜自操以授言官識之者曰此
老秦筆也 程史飛以紅羅為幟上刺岳字 秋崖
小葉岳飛帖王之討楊么也公過師吾里留題東松
巷壁上老墨飛動忠義之氣如所謂同後軍王團練
者蓋後來告變
之王雕兒也

野遊時到白雲堂麋性隨圓復就方贏得句傳山鳥起
巖花衝落半溪香

四朝聞見錄恭孝儀王嘗遊天竺有山禽忽驚起衝
落半巖花之句嘗自贊其容有性比山麋貌同野叟
隨圓就方似無唯有云云蓋叙其推戴事也
死葬西湖顯明寺 天竺志天竺有白雲堂

朝朝絃管戲春湖看過春風二月無獨有金橋垂柳色

不曾寫入燕遊圖

西溪梵隱志金四姥橋垂柳獨盛
志雅堂祿鈔理宗有燕遊圖一軸

曾入摛文備講筵賜冰支酒自年年明朝禁宿供宣訪
又費餐錢日一千

楊太后宮詞有翰林學士知誰直今日傳宣與賜冰
玉堂雜記隆興初用正宗故實輪講筵學士院官
直宿禁林每夕兩員以備宣引諮訪又翰林支快
行家食錢三千又折酒錢三百別賜冰一擔若寓直
支餐錢一十限日下支不許次日南宋宮殿
記摛文殿在玉堂之後東西二閣以處詞臣

和寧門外雨如塵遊騎歸來滿眼春雪色海鮮都上市

却隨花果及時新

古杭夢遊錄自大內和寧門外新路南北寶玉珍異及花果時新海鮮野味奇器天下所無者悉集於此

玉柵燈懸異巧名佳人遊賞遍春城歸來幾日間拋過又試東風絃管聲

稊米集孤山寒食詩最憐隱者高眠地日日春風是管絃夢梁錄元宵牛羊司前有內侍蔣苑使家粧點亭臺懸掛玉柵異巧華燈又公子王孫以紗籠喝道將帶佳人美女遍地遊賞

雪花吹浪過西陵今夜清遊興未曾載月小舟仍似舊

有人江上吊詩僧

政魏集詩舊聞老具擅詩聲夜汎錢唐向鳳城今日
清遊更豪逸雪花和月帶潮生自注法具字圓復紹
興初詩僧也有月夜游錢唐江詩云小舟為我載月
色白沙翠竹光相射后復云白下金陵四百年無此
豪逸

老喚詩人薦得名寺前覓句寫閒情晚雲涼雨吹應遍
合轉橋東玩月行

朱文公大全集同僚小集梵天寺坐間雨作已復開
霽步至東橋玩月賦詩二首有層雲生薄晚涼雨遍
空山之句又孝宗時侍郎胡銓以詩人薦同王庭
珪內召故朱子自註詩云僕不能詩平生僥倖多類
此

已却村酤禁酒牌何須欄稅更安排欲尋栗里高風處
祇見春花落御街

西溪梵隱志西溪留下西南三里有宋人禁酒牌即
高宗入山村酒肆喜其供奉精潔御書界牌以賜曰
不為酒稅處是也後為陶家廟理宗朝有陶處士隱
此水竹田桑夫畊婦織有栗里之風皆山川幽寂之
處也續文獻通考孝宗淳熙五年知臨安府吳淵
乞復置西溪發引欄稅上曰去城五十里豈可復置
欄稅張泐禁酒牌詩芳
草承行騎春花落御階

染洗宮花勅字新鶯來猶帶舊家春可憐六尺青綾誥
淚濕殘綃換帖人

晞髮集有洗舊語綾帶將以為緣以紺繒易得之作
手卷賦小樂章求好事者書其後詩曰吳宮輦路傷
行客繭水壓雲凝碧色門前新掃染家鄰借人鋪設
殘衣帛宮花翦綾連院號覆取翻看成一道織紋宛
轉勅字新知是初誰六尺語城霞失彩宮辭病中與
海圖上衣領改顏倖售緣所遭褪藥玄香洗藍影青
綢易得淚承曉擊筑楚歌無故業歌
殘求書好事人異代倘傳語綾帖

車駕蒼黃南渡日可憐應乏濟時才請看不識錢唐事
猶頌東巡二月來

老學菴筆記建炎三年春車駕倉卒南渡有侍臣陳
劄子首曰恭惟陛下歲二月東巡狩至於錢唐呂相
笑之曰秀才
家不識時務

萬緡宣賜遭時忌老去逢官是畏塗
不用再磨鏡帖
蚤將居里釋麟符

玉堂雜記御史王綸草劉婉儀進位貴妃制太上稱
其有典詰體潤筆殆萬緡賜硯尤奇秦丞相不樂遭
論列而去周必大嘗草其致仕制曰少則歌鹿鳴而
薦於鄉老則釋麟符而居其里 宋裨類鈔潘良貴
少有氣節數忤權貴自少至老出入三朝在官不過
八百六十日居不蔽風雨無尺寸之田有磨鏡帖行
於世世以為名言
自號默成居士

心經一頌意云何百萬僧齋願豈多頑石更將鐫作佛
莫言只解畫彌陀

橫浦集錢唐喻氏子生不茹葷少妙畫學吳道子臻其能後專畫阿彌陀佛無為子楊次公喜之呼為喻彌陀為兒時嘗誦心經立願齋僧三百萬遊西湖多寶山輒作念曰異時當鑄此為佛其後遂為彌陀之像

鹵簿圖成出北門贐儀句得向南奔蜀王曾為頭顧計

莫望西州掩淚痕

四朝聞見錄吳曦既用賂師旦遂舉全蜀以授之其在殿巖也常命工圖畫上乘輿鹵簿卷軸甚詳人問曰大尉何用此曦給之曰把歸去教孩兒看了消災滅罪及出北關遂焚香拜天於鷓首云且得脫身歸去其反狀已萌於此矣宋史程松以書抵曦句贐禮買舟楫曦為蜀王曦遣吏以匣封致餽松望見大

恐疑其劒也亟逃奔使者追及松不得已啓視之則金寶也松乃兼程出峽西向掩淚曰吾今獲保頭顱矣

烏巾山滿雪中花佳茗還將鬪玉芽恰自鼎湖龍去後
錫塘誰訪白枇杷

咸淳臨安志枇杷出於黃嶺前烏巾山小錫塘塢尤珍白色者上黃次之亦間出佳茗又淳熙間德壽宮嘗密遣人採訪惟烏巾山下汪氏廬前一本實大而味勝歲倍直以醕之又鼎湖即臨平山下藕花洲也

賜食曾蒙出上方自緣身領膳曹郎絕知禁籞人間少

異品空思細頸羊

劔南集中秋書懷詩秋風社散日平西餘胙殘壺手
自提賜食敢思烹細項家庖仍禁劈團臍自注昔為
儀曹郎兼領膳部每蒙賜食與王公畧等食
品中有羊細項甚珍予近以惡殺不食蟹

古玉簪圖舊刻成蘭亭貌出賺書生攜來竟貨錢唐市
金錯猶題後主名

蘭亭考古圖寫人物一軸唐右丞相閣立本筆狀賺
書一段事書生意氣揚揚有自得之色老僧口張不
吐有失意之態其狀如生又此圖江南庫所藏簪
頂古玉軸猶是舊物又紹興元年七月望有攜此
貨於錢唐郡人吳詵得之見謝似言舊有大
牙籤後主親題刻其上云上品畫蕭翼籤

報國翻成去國哀棄官肯許掖垣回如何鑑水龜堂老
晚為南園撰記來

誠齋集韓侂胄築南園屬誠齋為記許以掖垣曰官
可棄記不可得侂胄權日盛遂憂憤成疾家人不敢
進即報適族子自外至言侂胄近狀萬里痛哭呼紙
書曰姦臣專權謀危社稷吾頭顱如許報國無路惟
有孤憤別妻子筆落而逝宋史陸游傳晚年再出
為韓侂胄撰南園閱古泉記見譏清議又常自稱
為龜堂老子

一朝驚駭報歸期因識環環偽帝姬多被番人笑顏子
怪他宮事教尼師

四朝聞見錄柔福帝姬徽宗女自金奔歸自言于上
上憫之遂以高士儻尚主及常太后北方歸持上袂
泣未已遽曰哥被番人笑說錯買了顏子柔福死已
久上以太母之命寘姬於理獄具誅之東市柔福自
聞太后將還鸞馭即以病告嘗以尼師自隨或謂此
尼魯事帝姬故備知疇昔帝姬俱上在宮中事偽帝
姬引見之日呼上小字尼師之教也京師顏家巷髹
器物不堅實故至今謂之顏子生活 三朝北盟會
編韓世清敗劉忠於斡州得一
婦人自稱柔福帝姬小名環環

手裊紅旗蹴白波翻頭若作等閒過天街鼓樂迎歸後
爭向尊前唱浪婆

夢梁錄八月潮怒勝於常時十八日帥座出郊教習
水軍杭人有無賴之徒以大綵旗小青涼傘紅綠小

傘兒各繫色繡段子滿竿伺潮出海門百十為羣執
旗汨水以迓子胥向有前軍作弄潮詩曰弄罷江潮
晚入城紅旗颭颭白旗輕不因會喫翻頭浪爭得天
街鼓樂迎又云車駕幸禁中觀潮殿廷下視江中
水軍教閱整肅部伍望闕奏喏聲如雷震其日帥司
備牲禮草履沙木板祭於江中士庶多以經文投之

禁殿風傳臚唱聲宮花紅處認頭名若教畫竹呈官卷
誰與今年賀滿城

貴耳錄淳熙間省元徐履殿試用卷子寫竹一枝題
曰畫竹一竿送與試官老學菴筆記陳亞今年新
及第滿城人
賀李衙推

吳山避寇劇披猖簪珥無遺但淚妝若少侍晨雙篋贈

廉郎沒興作徐郎

揮塵後錄廉宣仲布建炎初自山陽避寇南來攜鉅萬至臨安寓居吳山下陳通等亂悉為劫掠不遺一簪宣仲昔與侍晨道士時若愚游至是聞在賊間姑往訪之授以兩篋令二校防護出關趨雲川依魯空青泊僧舍宣仲張子能之壻外祖戲曰君正是沒興徐德言矣

超然館裏歲華深
盛有丈心鄧牧心
但覓賞音償宿願
一生餘得伯牙琴

武林耆舊傳云鄧牧字牧心錢唐人隱大滌山人稱為文行先生所居有超然館宴坐累月不出時時作詩文以自娛其著有洞霄記遊山誌雜文彙都穆鐵網珊瑚錢唐鄧牧心先生生於宋世之季有文數

十首名曰
伯牙琴

荒涼九曲到叢祠忠武空勞有賜碑昨夜魂歸秋水觀

不堪重現岳家旗

朝野遺記岳侯卒於大理寺獄獄卒隗順負其屍出
踰城至九曲叢祠中故至今九曲五顯廟尚靈輟
耕錄鄭元祐為岳武穆王脩祠墓疏賜墓田於棲霞
巔下建祀祠千秋觀西雲邁淡墨臯亭山伯顏取
宋屯兵處方伯顏兵至是夕大雷電伯顏望見四山
旌旗閃爍皆作精忠岳家字伯顏宰牲為文告祭祭
訖風雷乃止岳侯傳侯中
毒而死葬於臨安菜園內

六更夢醒閱興亡瀛國秋風兩鬢霜因記華山陳處士

紙錢無處是錢唐

貴耳錄真宗問陳搏國祚靈長之數陳奏云過唐不及漢紙錢使不得處數百年前已先知止錢唐之識
元朝文類封瀛國公制王磐撰有云戈船競渡而天塹無憑鐵馬長驅而松關失險云云

鳳舄霞裳翦霧開一聲清蹕八鸞迴將軍會揖單于去
親奉瑤池阿母來

誠齋集題曹仲本出示譙國公迎請太后圖詩中有翠華黃屋從天降一聲清蹕萬人看輦中似是瑤池
母鳳舄霞裳翦重霧將軍元是一縫掖忽攘兩臂挽五石長揖單于如小兒奉歸急輦如折枝

紹興元祐事麤疎日厯參教玉牒餘不及開元表遺錄

太平留得有傳書

因學紀聞紹興重脩哲宗實錄獨元祐八年事皆無存者參取玉牒日歷諸書以足之僅得成書中興後事紹興八年至二十五年最爲疎畧又孝宗問周益公云唐孫樵讀開元錄雜報數事內有宣政門宰相與百僚廷諫十刻罷編檢新舊唐史及諸書並不載益公奏太平御覽總目內有開元錄一書祖宗朝此本尚存近世偶不傳耳容臣博加詢訪

鏤將書印散中都七寶猶藏誥語無點筆一揮江上事
邊風吹起九思圖

逸民史王忠民當高宗渡江劉豫僭立作九思圖及定亂四象達之金主及鏤板印圖散於僞境以明大

義紹興三年翟宗薦其忠節授宣教郎詔遣至行在
忠民上疏辭以誥寘牘中藏七寶山下力懇求去

酒樓唱徹隔牆聞千乘花紅一色雲椎髻烏衣小龍女

新傳歌譜玉華君

林下詞選紹興間都下酒肆中有道人攜烏衣椎髻
女子買斗酒獨飲女子歌詞以侑云朝元路朝元路
同駕玉華君千乘載花紅一色人間遙指是祥雲迴
望海光新或記之以問一道士道士驚曰此赤城韓
夫人所製水府蔡真君法駕
導引也烏衣女子疑龍云

垂老三橋卧旅樓梅花無語替人愁一宵飛去鸚籠在

勝雪何緣似玉榴

癸辛雜識別集方回字萬里號虛谷徽人也寓杭之三橋旅樓有二婢曰周勝雪劉玉榴方遊金陵寄二婢於其母周姬之家恣開杜陵之門勝雪者為豪客扶去方歸悵惋作詩有鸚鵡籠開綵索寬一宵飛去為誰歡之句先是方為庶官嘗賦梅花百咏以諛賈相

龍尾金花識御顏五雲猶帶斲痕班如何硯亦論遭遇
秘閣宸書一字頑

春風堂隨筆宋謝堅知徽州於舊坑取石貢理宗初坑上常有五色雲氣如錦衾隨雲所覆處斲之老學菴筆記秘閣有硯思陵御書一頑字因謂之準勅頑硯

陰陽雙柏翠光濃孤直何心貢九重曲竹只生安隱院

管城子合受斜封

太平清詒南渡高宗時高麗國進陰陽柏一株僅二尺許每歲左花則右實右花則左實咸淳臨安志安隱院在臨平山南地生曲竹林次麟詩直節稜稜是此君耳孫却以曲為名首陽山下知難種只可斜封向管城

載礫填窪尚典型北山仍與接南屏惠卿毀後潛增築依舊泐隄有九亭

咸淳臨安志蘇公隄郡守呂惠卿奏毀之又咸淳五年朝廷給錢命守臣潛詵友增築載礫運土填窪益庠通高二尺袤七百五十丈廣皆六十尺泐隄舊有亭九亦治新之仍補花木數百本東坡詩六橋橫

絕天漢上北山
始與南屏通

一簇紅鸞扇影遮
景靈歸去擁如霞
羣臣醉盡沾春色
頭上風吹羅帛花

夢梁錄嘉定四年十月十九日降旨遇大朝會聖節
大宴及恭謝回鑾主上不簪花又條遇聖節朝會宴
賜羣臣通草花遇恭謝親享賜羅帛花又詩曰景靈
行駕到和寧頭上宮花射彩雲歸向慈嚴誇盛事誓
殫忠力
報吾君

南薰廣殿憂風鈴
馬遠曾圖淺色屏
絕笑螺屏填十事
鹿磯月峽夢難醒

寓意編好事家藏宋馬遠畫南薰殿淺色屏障癸
辛雜識別集王櫛為螺鈿屏風圖賈相十事以獻曰
度宗即位南郊慶成鄂渚守城月峽斷橋鹿磯奏捷
草坪決戰安南獻象建獻嘉禾川獻嘉禾淮擒宇化
隆祐鸞車已上仙攢宮初建謂當然誰憐伊洛諸陵寢
有似錢唐向趙田

東齋紀事隆祐太后升遐朝廷欲建山陵兩浙漕臣
曾公卷謂諸帝陵寢今存伊洛不日復中原即歸葬
矣宜以攢宮為名僉以為當經鉏堂雜志趙子固
向伯升錢唐二佳士其先太原人攜家南渡各有中
原田契兩籠其初日望恢復憑契
復故業至今七十餘年竟成無用

粉墨應須尚雅馴畫中草草最通神試看嗜酒梁風子

減筆能將伏院人

圖繪寶鑑梁楷嘉泰年畫院待詔賜金帶不受掛於院內嗜酒自樂號曰梁風子院人見其精妙之筆無不驚伏傳於世者謂之減筆

海道空教寫作圖不堪南庫盡荒蕪璽文還驗當時篆
玉紐雙龍記有無

元秘書志王士點商金翁秘書監關到物件有杭州海道圖一軸又收致寶四顆皇帝行寶白玉雙龍紐一顆上帶紅絨絛系欽崇國祀之寶青白玉五螭紐一顆光堯壽聖憲天體道性仁誠德經武緯文太上皇帝之寶蒼玉寶礪螭紐一顆上有舊黃絨小絛系宋皇帝寶象牙素紐一顆上有裂璽

白紗巾拭淚痕多半臂分明念九哥空寄金鑲人不見
柰他蝴蝶鬪飛何

北狩見聞錄徽廟出御衣之襯一領俗呼背心又索
於懿節邢后得所帶金耳鐲子一隻上有雙飛小蝴蝶
俗名鬪高飛云是今上皇帝在藩邸時製以為的
驗及皇太后信令曹勛見上奏之詔誥丁寧且泣且
囑曰無忘吾北行之苦又以拭淚白紗手帕子付臣曰見上深致我思念淚下之痛

拂石曾經御坐來易安齋裏賦詩回春風吹瘦橫斜影
上番先探青蒂梅

四朝聞見錄光堯親祀南郊因過易安齋為賦梅巖
孝宗和云秀色環亭擁霽霞原闕水艷數枝斜東君

欲奉天顏喜故遣融和放早花高宗嘗問主僧云此
梅喚作甚梅僧對曰青蒂梅又問曰梅邊有簾喚作
甚對曰萬歲簾梅旨賜僧階上
嘗拂石而坐至今謂之御坐石

能傳車輅劉宗古善寫天神胡彥龍鯨海風波中興業

不圖坐右作遺蹤

畫繼劉宗古宣和間成忠郎亂後歸江左朝廷方尋
訪車輅式而宗古進本稱旨除提舉車輅院事圖
繪寶鑑胡彥龍善畫人物天神紹定畫院待詔雲
麓漫鈔建炎三年航海幸台州祥符寺今壁間有詩
云黃帽當年駕舳艫東浮鯨海出三吳
中興事業風波惡好作君王坐右圖

斷橋月即短橋時夜夜荷風度柳絲蕩漾香魂向何處

試聽順受老人詞

花菴中興絕妙詞選吳禮之字子和錢塘人有順受老人詞五卷王生陶氏月夜共沉西湖賦霜天曉角吊之云連環易缺難解同心結癡騷佳人才子情緣重怕離別意切人路絕共沉烟水闊蕩漾香魂何處長橋月斷橋月按西湖志本癸辛雜識載王陶事但云都人作長橋月短橋月以哀之不記全篇且不_{知作者姓字得此可以補之短橋花菴本作}斷橋是斷橋可名短橋也亦前此所未聞

龍井松風鶴夢涼水聲人語近僧廊風流最是淳熙日
尚有東坡植海棠

靖逸小葉秋日遊龍井詩引道煩雙鶴攜囊倩一僮
竹光杯影裏人語水聲中不雨雲常濕無霜葉自紅

我來何所事端為聽松風 二老堂雜志壬午三月
己亥酌龍井入壽聖寺有海棠一株蓋蘇公手植者

摺扇無多一握慳宮紗新弄玉連環誰教楊妹親題字

蜂趕梅花落碎班

耆舊續聞摺骨扇詞云宮紗蜂趕梅寶扇鸞開翅數
摺聚清風一捻生秋意搖搖雲母輕裊裊瓊枝細莫
解玉連環怕作飛花隊今於湖集載此詞 春風堂
隨筆今世所用摺扇亦名聚頭扇南宋以來詩詞咏
聚扇者甚多予收得楊妹子所寫絹扇面
摺痕尚存 夢梁錄小市周家摺摺扇鋪

尊絲春貢點薑芽筍劇黃鶯餉內家還有宮厨生菜美

鏗然寒齒嚼梅花

會稽續志湘湖貢蓴

咸淳臨安志筍之類有黃鶯

筍貓頭筍哺雞筍

羣芳譜宋憲聖后每治生菜必

於梅花下取

落花雜之

冊后儀文詔翰林制詞應費幾番心官家潤筆須矜貴

先賜黃金二百金

武林舊事冊皇后儀先一日宣翰林學士鎖院草冊
后制詞賜學士潤筆金二百兩次日官廳宣布皇后

三辭不允太史局

擇日行冊立禮

池上金魚策策遊落花如泛碧溪流紛然萍草交迴處

解道紅蟲飼此不

鼠璞南渡駐蹕王公貴人園池競建秦養之法出焉
有金銀兩種鯽魚金鯽時有之金餐為難得魚子多
自吐吞往往以萍草置池上待其放子撈起曝乾復
換水復生魚黑而白始能成紅或謂因所食紅蟲而
變又六和塔寺後
池中有此魚如金色

打馬圖成賦更工蕭蕭竹粉一番風長篇紀事尤奇絕
題贈行人赴紫濛

打馬圖李易安著并撰賦一篇 太平清話莫廷韓
云向曾置李易安墨竹一幅 雲麓漫鈔李易安有
才思其詞已版行於世他文少有見者其上樞密韓
公工部尚書胡公詩序云紹興癸丑五月兩公使金
通兩宮也易安父祖出韓公門下見此大號今不能
忘言作詩各一章以寄意以待採詩者云上韓公云

三年夏六月天子視朝久凝旒望南雲垂衣思北狩
如聞帝若曰岳牧與羣后賢寧無半千運已過陽九
勿勒燕然銘勿種金城柳豈無純孝臣識此霜露悲
何必羹捨肉便可車載脂土地非所惜玉帛如塵泥
誰當可將命幣厚辭益卑四岳僉曰俞臣下帝所知
中朝第一人春官有昌黎身為百夫持行足萬人師
嘉祐與建中為政有皐夔漢家畏王商唐室尊子儀
是時已破膽將命公所宜公拜手稽首受命白玉墀
曰臣敢辭難此亦何等時家人安足謀妻子不必辭
願奉天地靈願奉宗廟威徑持紫泥詔直入黃龍城
北人定稽顙侍子當來迎仁君方博信狂生休請纓
或取犬馬血與結天日盟上胡公云胡公清德人所
難謀同德協心志安脫衣已被漢恩暖離歌不道易
水寒皇天久陰后土濕雨勢未回風勢急車聲麟麟
馬蕭蕭壯士懦夫俱感泣閭閻嫠婦亦何知漉血投
書干記室天生性氣同虎狼不虞預備庸何傷衷甲

昔時聞楚幕乘城前日記平涼葵丘踐土非荒城勿
輕談士棄儒生露布詞成馬猶倚嶠函關出雞未鳴
巧匠何曾棄枵櫟芻蕘之言或有益不乞隋珠與和
璧只乞鄉關新信息靈光雖在應蕭蕭草中翁仲今
何若遺氓豈尚種桑麻敗將如聞保城郭婆家父祖
生齊魯位下名高人比數當時稷下縱談時猶記人
揮汗成雨子孫南渡今幾年漂流遂與流人伍欲將
血淚寄山河去洒東山一坏土 契丹國志紫濛契
丹地名晉慕容氏自云有熊氏之裔邑於紫
濛之野案方虛谷稱紫濛為契丹館名誤也

海錯江珍聚玉京百年王氣怒潮平誰憐抗論陳同甫
蚤以三分著史名

豹隱記談嘉熙中吳潛論錢唐建都以陰陽家言海
門巽水蚤晚兩朝後為潮沙湮塞殆天啓國家以轉

移之
機也

文獻金源洛水塵建炎留得趙家春一篇帝統遵王命

猶有龍南著集人

羅鄂州集有帝統論一篇言光堯內禪事文多不載
餘冬序錄金之高陵楊興宗史不著名元裕之記
其當宋渡江而著龍南集以見正統之所在不以身
之所生而自限也可謂卓識之士
案後楊廉夫正
統辨其
說本此

南宋稊事詩卷四

欽定四庫全書

南宋襟事詩卷五

仁和趙昱撰

鳳闕蟠空入畫圖
天開佳麗定鴻模
六飛新駐稱行在
詔進詞臣賦二都

徐一夔宋行宮考在杭州鳳皇山下即唐以來州治也咸淳臨安志建炎三年高宗詔以杭州為行宮時執政奏屋宇隘陋高宗以百官六軍未得其所不御正寢紹興元年詔守臣徐康國措置且命不得華飾二年南門成名曰行宮之門三年以百官遇雨泥行非便詔梁汝嘉祚廊序於南門之內十八年名南門曰麗正北曰和寧東苑曰東華二十八年始增築禁城以今地考之南自勝果入路北則入城環至德倅

天地牌坊東沿河西至山岡自北至山隨其高下以
為宮殿也 玉海建炎中駐蹕臨安紹興八年三月
詔復還十五年高袞上二都賦十七年施諤上行都
賦又紹興八年將還臨安命有司建太廟十二年作
太社太稷皇后廟都亭驛太學十三年築園丘景靈
宮高禘壇秘書省十五年作內中神御殿十六年廣
太廟建武學十七年作玉津園太一宮萬壽觀十八
年築九宮貴神壇十九年建太廟齋殿二十年作玉
牒所二十二年作左藏庫南省倉二十五年建執政
府二十六年築兩相第太醫局二十七年建尚書六
府凡定都二十年而郊廟宮省始備 老學菴筆記
大駕幸建康六宮留臨安則建康為行在臨安為行
宮今東京阻隔而臨安官司猶
曰行在某司示不忘恢復也

五丈新通御路寬盛朝故事詣圓壇腰輿三百分前導

香裊輕煙護燭寒

方輿勝覽紹興三十八年殿前都指揮使楊存中乞
通展皇城十三丈以五丈作御路六丈作民居將來
聖駕親郊由候潮門徑從所展御路直抵郊臺蒲
室集杭州金剛顯教院記院始於紹興中妙空大師
惠齡居杭州之金剛嶺考之圖志龍山圓壇古有顯
教院其墟久矣乾道中請於郡而復立院焉梯米
集郊丘紀事詩內門朝日上金鋪寶玉籠煙出殿餘
紅燭兩行分御道輦官三百奉腰輿奉寶玉輦官三
百餘人謂之腰輿皆籠
燭焚香而前蓋故事也

金桐葉葉走青驄羣從冠量貂尾籠儀仗依稀如昔日
長髯重歎說元豐

夢梁錄明裡宿齋殿儀宰執親王頭冠九量加貂蟬
籠巾侍從七量餘官六量至二量臺諫增旁角耳量
者冠前額上排金桐葉是也 玉照新志紹興辛酉
南郊時排設儀仗龍山恭肆有一長鬚偉男子衣青
袍於稠人歎曰吾元豐五年遊京師一見之
後不曾再覩今者之盛殆與昔時無異焉

斷鼇息馬費追摩無逸圖消白日過清宴銀鈎驚絢綵
半規小璽粉痕多

玉海高宗書法斷鼇立極息馬論道龍畫螺書旁分
編列又嘗書無逸圖曰朕一無所好惟閱書作字自
然無勸 播芳大全文粹玉璧御書無逸圖贊紹興
改元之五年四月皇帝陛下親灑宸翰書尚書無逸
篇為圖以揭於經筵銀鈎絢綵鳳輦鸞翔而清宴之
間於以省覽研味猗歟茲盛德事也 汪砢玉珊瑚

網宋高宗御府手卷畫前上白引縫間用乾卦圓印其下用希世藏方印卷盡處下方用紹興二字印墨蹟不用卷上合縫卦印止用其下希世小印其後仍用紹興小璽

龍興入彀俊英多桂子飄香競揣摩想見重花交葉下
水晶影裏記登科

老學菴筆記高宗行幸揚州郡人李易為狀元次舉駐蹕臨安而狀元張九成亦貫臨安時以為王氣所在又張子韶對策有桂子飄香之語趙明誠妻李氏有云露花倒影柳三變桂子飄香張九成汝陰餘話沈必先日記言奏事殿中高宗云近有人自東京逃歸聞張九成見為劉豫用事可怪必先奏云張九成在其鄉里臨安府鹽官縣寄居去行闕無百里之遠兩日前方有文字來幸陛下裁之上云如此則

所傳妄矣蓋子韶廷試策流播偽齊人悉諷誦故傳
疑焉翌日降旨除秘書郎咸淳臨安志張九成字
子韶錢唐人徙居鹽官夸堅志建炎春一士人步
城西有虹自地出圓影若水晶老木桮榭有茅舍機
杼之聲行入機張女子四五縮烏綠了髻玉肌雲質
衣輕綃揜腕纖組視之錦文重花交葉之下有字數
行首曰李易如此十數
問之女對曰登科記也

運際清平慶主臣紅雲繚繞簇花新車聲歷歷還宮候
大內遙呼女聖人

武林舊事駕幸景靈宮大禮後行恭謝禮姜白石詩
云六軍文武浩如雲花簇頭冠樣樣新惟有至尊渾
不戴盡將春色賜羣臣又萬數簪花滿御街聖人先
自景靈回不知後面花多少但見紅雲冉冉來是日

皇后車駕先還宮
中呼后為聖人

龍笛仙音奏內庭
冷光秋夜徹青冥
碧琳堂外松風滿
盡屏人間絲竹聽

都城紀勝淳熙間德壽宮龍笛色使臣四十名每中
秋或月夜令獨奏龍笛聲聞人間誠清樂也朝野
雜記孝宗淳熙時作翠寒堂禁中嘗召趙丞相雄王
樞使淮奏事堂下古松數十清風徐來上曰松聲甚
清遠勝絲竹玉海淳熙
禁中有偉觀堂碧琳堂

碧藓封碑廊廡前
雲章揮寫倦勤年
春風便面來諸院
分得忘憂薺草篇

白石樵唱辟雍詩冠帶百年夢昔遊今重嗟壁池春
飲馬槐市暝藏鴉堂鼓晨昏寂廊碑風雨斜石經雖
不火歲歲長苔花此題高宗石經之碑今尚在郡學
甫田集思陵留意字學尤喜寫經嘗曰寫字當寫
經書不惟學字又得經書不忘潛溪集思陵書神
女賦思陵極留心書學九經皆嘗親寫此乃禪位後
所書春秋已高而猶勿倦可謂勤已王海高宗詔
書親札雲章奎畫起冠古今道園學古錄高宗書
護草詩便面以賜內庭戚婉至館閣皆有之
戒其殢酒祝以忘憂豈黃髮為期之意乎

兵畧增刪寓意時中興雄志復誰知自工賸水殘山後
空賦新秋雨霽詩

長水集寶元康定間西師不解命樞府論次兵畧撰
武經總要書成四十四卷仁宗為序靖康後宋事日

以不競孝宗發憤國難親御戎馬又增修二十六卷製序再頒之珊瑚網世評馬遠畫多殘山剩水不過南渡偏安風景耳又稱為馬一角水東日記明長陵愛溫州永嘉郭文通畫有言夏珪馬遠者輒斥之曰是殘山剩水宋僻安之物也貴耳錄壽皇有中興之圖作新秋雨霽詩及春賦後端平間試詞科出春賦為題試者皆不知之五十年間士大夫罔聞之矣

御案香飄古篆青摺將掌記坐昌庭黃僉標識橫陳便
一一監司上畫屏

益公題跋淳熙間上勤萬機臨朝以方寸紙作掌記中摺之實在御手內殿則留香案上三省樞密奏事即視所記一一宣諭已乃收之率以為常方輿勝覽選德殿孝宗新初作金漆大屏風分畫諸道各列

監司郡守於兩行以黃金標識居官者職位姓名其
背為華鼻圖 楊后宮詞天下監司二千石姓名都

在御
屏中

水嬉爭破浪花圓迎弄劉船與董船何似龍池春色裏
蘭荃排動內湖邊

夢梁錄百花七寶金獅子何船羅船黃船董船劉船
俱湖船名 錢唐新志禁中德壽宮皆有大龍池萬
歲山擬西湖飛來峰御舟之華春時
競渡非外間可擬又有蘭橈荃橈

硯池風煖縵魚鱗一冊蘭亭寫入神曾侍御前三十帖
詳觀點畫自超倫

蘭亭博議高宗吳皇后即慈福太后親翰墨尤愛蘭亭作小楷一本流傳內外陸升之春帖子云內仗朝初退朝曦滿翠屏硯池深不凍端為寫蘭亭王海紹興十三年貴妃吳氏題御書云機政之暇擇鍾王而下三十帖親御豪素並加臨寫龍蟠鳳翥希偉蹟也古今法書苑高宗翰墨志評余自魏晉以來至六朝筆法無不臨摹至若褻帖則測之愈深擬之益嚴姿態橫生莫造其原詳觀點畫以至成誦不少去懷也

芙蓉並蒂艷清江
小妹邀憐羨一雙筆底芳蘭嬌阿母
為裁宮體譜新腔

楊后宮詞小小宮娥近水居
雕楣繡額映清渠
忽然攜伴凭低檻
好似雙蓮出水初
四部蒙馬遠畫上

有書賜兩府三字并有楊娃印章遠在光寧朝後先待詔寧后楊氏楊娃即后妹也以藝文供奉內庭凡遠畫進御及頒賜貴戚皆命楊妹子署題后凡石位太師稱大兩府書兩府者即石也四朝聞見錄慈明楊太后越人通經史能小王書母張夫人以樂部被憲聖幸後以病歸李氏死葬西湖小麥嶺下地名放馬場憲聖常因樂部不協顧左右曰我記得張家今安在左右對已死矣有女頗聰慧召后入時年十三旣長侍宴長樂寧皇目后有意憲聖宴寧皇賜之曰做好看待它日有福

孤亭荒落點寒梅曾記先皇翠輦來花醉澄瀾都莫問行人猶待杏花開

夢梁錄聚景園孝光寧常幸後漸蕪圯僅有一堂兩亭其一亭無扁僅植紅梅侍從陸游詩曰聖帝憂民

罷露臺春風側苑畫常開盡除曼衍魚龍戲不禁芻蕘雉兔來水鳥避人橫翠靄宮花經雨委蒼苔殘年自喜身強健又作清都夢一回又有水殿西頭起砌臺絲楊開處杏花開之句錢唐志天逸閣載聚景亭臺尚有花醉澄瀾諸名則七十二亭即田誌尚未能盡也

朝來翠浪映朱門隨輦詞臣賦御園日暮三山詞畔過
鳳城殘照近煙昏

梯米集四聖延祥觀御園侍臣周紫芝從駕幸山亭詩附山結崇祠朱門照湖水湖流入中池秀色歸淨几桐江集方回以香山眉山孤山為三山

南遷蕭寺寄流離知閣荒臺餘斷碑認取隨龍多漫漶

亂鴉清句起悲思

癸辛雜識南渡初中原士大夫之落南者高宗有西北士夫許占寺院之命趙忠簡居越之能仁寺曾丈清居越之禹跡寺甚衆雲棲寺志寺近掘地得斷碑題曰宋隨龍余知閣宅界旁有石隱隱有詩蓋護蹕南來因家於此後捨宅為寺也余知閣詩幾年魂繞浙城西十里荷花漾錦陂踏遍兩峰三竺路又隨青嶂入雲棲洛邑名園歌舞沉亂鴉啼破幾深林何人學得香山老千載精廬有梵音千里旌旗擁六飛投簪欲上釣魚磯無端忽被間雲引迴耀峰前掩竹扉

望裏樓臺繞翠煙天中帖子禁中傳平分四地來遊幸
文杏春桃孰後先

玉堂雜記必大嘗自德壽宮後垣望見一樓巍然朝
士云太上名之曰聚遠必大作端午帖子前後頗聞
禁籞大畧併記於下宮中分四地隨時遊覽東地分
曰香遠梅堂也曰清深竹堂也曰月臺曰梅坡曰松
鞠曰三徑鞠芙蓉竹也曰清妍醑醑也曰清新木犀
也曰芙蓉岡南地分曰載忻大堂御宴處也曰忻忻
古柏太湖石也曰射廳曰臨賦荷花山子也曰燦錦
金林擒也曰至樂池上也曰半丈紅郁李子也曰清
曠木犀也曰瀉碧養金魚處也西則曰冷泉古梅也
曰文杏館曰靜樂牡丹也曰浣溪大樓子海棠也北
則曰絳華羅木亭也曰旱船曰依翠茅亭
也曰春桃曰盤松其詳不可得而知也

有客春為下竺遊枕流亭下送春流桃花數萬隨流去

恍在武陵源上頭

欽定四庫全書

南宋雜事詩

省齋集丁酉二月二十日同部中諸公遊下竺御園
坐枕流亭觀放開桃花數萬隨流而下斷至集芳園
是時海棠滿山郁李滿澗殆不數於人間世明日入
都而桃花數枝伶俜窻外未時內直則海棠郁李方
開遂賦二絕句云萬點紅隨雪浪翻恍疑身在武陵
源歸來上界多官府人與殘花兩不言清勝堂前花
萬重玉堂署裏兩芳叢應憐寓
直清無侶聊伴衰翁宿禁中

亂後瓊華出詔時淒涼忍讀孟家辭中興策自燕山定
半臂輕綃屬趙岐

古今彞語宋孟太后詔云漢家之厄十世惟光武以
中興獻公之子九人念重耳之獨在三朝北盟會
編徽宗自燕山密遣曹勛至賜帝絹半臂書其頰曰
便可即正來援父母
孤臣泣血錄徽廟北狩有謀

者持一黃中單來御書云趙岐註孟子付黃潛善諸人審思之蓋孟即瑤華太后趙即康王高宗由是中興

上壽仙漿第四盤天基令節正清歡良卿拍板堯卿鼓玉軸琵琶又獨彈

武林舊事天基聖節第四盞玉軸琵琶獨彈正黃宮拍王良卿杖鼓朱堯卿

內院春來樂事寬散錢一笑博君歡何如供職憂勤甚獨許恩辭煖盪官

癸辛雜識新集理宗春時內院效市井關撲之戲皆小瑞為之供純錢散錢以供一笑白獺髓禁中有

煖盪官紹定間內司提轄陳詢益奏以謝質供奉舊
無此例質愈加戰兢年餘謝遷他職陳奏謂質不當
遷上曰汝見彼憂
勤許時陳慚而退

占踞僊宮二十年門生投拜勢熏天一鞭催走閩南道
慚愧東朝王繼先

白獺鼯醫官王繼先顯仁太后御慈寧宮服其藥隨
愈優游東朝幾二十年克副高宗盡親之孝已而繼
先恃寵舉朝阿附至有稱門生者後太后上仙竟黜
福州卒鼠璞今以太后為東朝蓋用叔孫通傳惠
帝東朝長樂事三朝北盟會編繼先占豐
樂橋官地屋宇宏麗都人謂之快樂仙宮

八角銀牌禁樣班玉津園吏敢緣姦他時別有權宜事

魏紫姚黃說孟關

癸辛雜識淳熙禁中獲偽號人乃玉津園火工包四
搜出敕入宮門假印一面於是盡易敕號內宮門號
八角樣禁衛號銀錠樣殿門號四如意樣又魏叔
高娶穆陵親姊四郡主生關孫實全夫人之愛甥慈
憲每為求官穆陵命見凡異姓入宮必懸腰牌惟宗
子可免一時權宜假名孟關以進時度宗亦與之同
入宮四方有魏紫姚黃之
傳案玉津園在洋洋橋

天潢麟秀氣如雲南北都傳小使軍更有晚波紅濕句
一時流與禁中聞

鼠璞今稱宗寺曰麟寺王牒曰麟牒宗英曰麟趾之
考宋史本傳不允宗室有武力嘗與金人戰雄張

河南北盜皆避其鋒曰此小使軍也貴耳錄趙介菴名彥端宗室之秀有賦西湖詞波裏夕陽紅濕阜陵問誰作左右云彥端曰我家裏人也會作此等語喜甚

組繡年年進內家紅酥粉浣關鮮華波臣物土脩幾旬別置輕容貢軟紗

文獻通考孝宗乾道中中宮常服有司進深紅大袖紅羅生色為領紅羅長裙紅霞帔藥玉為墜背子用紅羅衫子用水黃紗襦袴以白衫裙以明黃短衫以粉紅紗為之施宿會稽志歲貢越綾十疋輕容紗五疋紙十張瓷器五十事

晴嵐遙疊海門青水色天光赴杳冥渡口新傳置津吏

輕裝緩泛許揚舠

默堂集錢唐江詩潮頭駕月衝殘夢水色浮空送峭
寒十幅輕蒲連夜發不知身到海門山南雷文定
錢唐之渡自昔為難孫覲誌汪思恩云會稽渡錢唐
舟人冒利捆載而行半渡弭檝邀取錢物暴風猝至
舉舟盡溺操舟者皆善泅獨免公為臨安守曰不戮
此輩則殺人未艾也悉論殺之更造大艦十數每艦
受若干人製號如其數以五采別之置吏監總渡者
給號登舟其舟人結直有定估除十之一備脩葺之
費自此無一舟之覆蓋錢唐除暴風積水亦不甚險
惟載人過甚舟力不勝則有覆溺之禍當事每以空
言申勅安得如汪守者而與之講濟人之事乎案鴻
慶集汪諱思溫咸淳臨安志紹興六年呂頤浩尹
臨安始置浙江監渡官以舟大
小定數多寡自是少風濤之厄

堂開有美敞前楹江樹湖雲左右呈一片殘碑荒寺壁

苔花畢畫尚分明

成化杭州府志有美堂嘉祐二年梅摯建宋仁宗賜詩有地有湖山美之句摯乃築堂名之歐陽脩為記蔡襄書宋淳祐志有美堂錢氏初建江亭於此當在吳山巔高處左江右湖故為登臨之勝而前賢題詠如東坡九日舟中望見有美堂上魯少卿飲處詩言舟中望見堂上燕集此必西湖也舊志言在郡城又可以見古城界於吳山矣淳祐六年府尹趙與憲獲古刻小碑於山巔太歲殿之側即仁宗御賜梅公詩也此堂故址益顯著云按田志載有美堂在鳳皇山誤矣東坡九日舟中詩田志已載不復錄

殿前醫老張防禦白髮終身拜影堂還有長生橋沈喜

親書恩主奉和王

志雅堂雜鈔醫老張防禦向為謝太后醫官後入楊
駙馬家人目為張風子然其人尚義其家影堂之上
作小閣奉理宗謝太后神御牌奉之終身又掠屋
錢人沈喜居長生橋楊和王忌辰必設位書恩主供
事人問其故云其家再世皆出
楊府衣食今雖衰替然不敢忘

鷄子趨承恩倍加北人倚醉惱官家歸來恰遇遺弓日
淚絕魂淒蕭鷄巴

藝流供奉志棋待詔沈姑姑上官夫人鼓板潘小奴
傀儡盧金線張逢喜踢弄吳金脚吳鷄子等貴耳
錄蕭鷄巴嘗侍孝廟擊球每許其除步帥久不降旨
鷄巴醉語云官家會亂說不除步帥怒送福州居住

德壽問及鷓鴣巴孝廟奏知德壽云北人性直可喚取歸後遇德壽發引日鷓鴣巴號哭欲絕

憶同優渥賜金蕉清隱閑居感舊僚後夜翠微亭上望

月明如水馬蹄遙

金陀粹編上遣鄭莊齋賜先臣金蕉酒器如韓世忠禮陶安學士集咏史韓世忠詩沙塵淨掃寂無譁第一中興不浪誇居士晚稱清隱號賢才勿用用奸邪清隱韓號也浙江通志韓世忠忤秦檜解兵柄逍遙湖上最愛此山故建翠微亭紹興十一年冬岳飛死十二年三月世忠建此亭謝兵柄時獨遊焉岳有登池州翠微亭詩曰經年塵土滿征衣特地尋芳上翠微好水好山看未足馬蹄催趁月明歸蓋韓當時憶岳此詩故以名亭而亦隱痛之也亭在飛來峰半成化杭州府志翠微亭紹興十三年韓蘄王建

乾道五年安撫周崇重建

崇化堂新故府遷傷心刺出繡袍鮮岳家昔與張家並

今日韓家有賜田

玉海紹興十三年詔改岳飛第為國子太學堂曰崇化在前洋街有齋十二金陀粹編先臣刺繡為袍有誓作中興功臣鶴林玉露韓世忠嘗議買新淦縣官田高宗聞之御札特賜云卿遇敵必克克且無擬聞卿買新淦田為子孫計今以賜卿聊旌卿之忠故其莊亦號旌忠當時諸將各以姓號如張家軍岳家軍朝廷頗疑聞其買田以為喜故特賜之

無端高架太平樓花腿生兵怨未休不敵韓軍銅面具

背卷一奮決同仇

雞肋編車駕渡江韓劉諸軍在外獨張俊一軍隨行
在擇卒之少壯者自臂而下丈刺至足謂之花腿京
師舊日浮浪輩以此為誇今效之不使逃於他軍用
為驗也然既苦楚人皆怨之加之營第宅房廊作酒
肆名太平樓搬運花石皆役之衆卒謠曰張家寨裏
沒來由使他花腿運石頭二聖猶自歸不得行在蓋
起太平樓紹興四年韓世忠自鎮江來朝所領兵皆
具裝以銅為面其軍中戲曰韓大尉銅臉張太尉鐵
臉世謂不畏人者為鐵臉雲麓漫鈔建炎中興張
韓劉岳為將人以為法當時有張家軍韓家軍之語
四帥之中韓岳兵力最精又別置親隨軍謂之背卷
勇健無比凡有堅敵遣背卷軍無有不破者見范參
政致能說燕北人呼酒瓶為卷大將之酒瓶必令親
信人負之范嘗使燕見道中人有負壘者則指云此

寇也故韓岳
用以名軍

湖山歸隱號青松曾與開邊議不同堪笑當時希意旨
無端殘照怨西風

減淳臨安志俞灝字商卿世居杭登紹興四年進士
第開禧議開邊政府密引灝言輕脫寡謀之人不可
信趙良嗣張覺往轍可鑒歷麾節皆有聲寶慶二年
致仕築室九里松買舟西湖會意處竟日忘返作詩
自適號青松居士有集四朝聞見錄李季章壁開
禧初韓欲興兵遣張嗣古覘敵張還大拂韓旨復遣
壁壁還與張異辭階是進政府壁使北有詩云天連
海岱壓中州煖翠浮嵐夜不收如此山河落人手西
風殘照
懶回頭

半篙晴色斷橋邊欲弔詞人認墓田幸藉知音揚薛輩

冷花疎寺葬梅川

絕妙好詞施梅川清明湖上遊春詞有云傍斷橋翠繞紅圖相對半篙晴色武林舊事施梅川墓施名

岳字仲山吳人能詞精於律呂楊守齋為寺後樹梅作亭以葬浙江通志梅川墓在虎頭巖楊守齋植

梅以葬薛梯颺為志李賓房書周草窗題蓋

畫意吟情春水堤風流端在斷橋西胎仙尚與鳴臯字

故遣荒亭塑鶴棲

竹所吟榮重拜和靖先生墓詩秋風爾許悲懷古若為思蘊老泉堪薦山孤草亦萎高風留塑鶴殘雨暗

荒碑依舊梅千樹無花香似詩
歸田錄處士林逋
居於杭州西湖之孤山逋工筆畫善為詩
和靖集
有鶴名鳴臯鹿名
呦呦作詩以賦之

花開西院賦雙英萼綠飛瓊並蒂陳翦賜近臣三百朶
可曾分得紹興春

松隱集西院賞牡丹壽聖親見雙花臣下皆未覩折
以勸酒調浣溪紗春曉於飛綠仗明西園嘉瑞格和
鳴花王特地獻雙英並蒂輕黃宜淡淡聯芳競秀勸
盈盈飛瓊萼綠不勝情藏拙藁宮詞牡丹春藥正
穠華有旨今年不賞花翦落金盤三百朶內批分賜
近臣家天彭牡丹譜牡丹有名紹興春祥雲子花
也色淡佇而花尤富大
者徑尺紹興中始傳

一片湖山遠翠含瓊瓏八面坐屏南施將纖巧藏朱邸
十樣亭臺照碧潭

夢梁錄南翠芳園舊名屏山園內有八面亭堂一片
湖山俱在目前又慶樂園舊名南園賜福邸內有十
樣亭榭工巧無二

烹宰親題教誡新放生恩遍及游鱗傳聞大節十官萃
一棹延緣祝水濱

咸淳臨安志西湖德生堂有理宗皇帝奎畫又有御
筆戒烹宰文刻石立堂上玉海紹興時工部郎中
林又請以臨安府西湖為放生池從之又淳熙三年
詔西湖係放生池不得採捕夢梁錄四月初八日

聖福皇太后聖節文武官於廣化寺起祝聖道場出
西湖德生堂放生 成化杭州府志放生池宋天禧
四年守王欽若建慶元四年趙師範德生堂於石
函橋之西淳祐八年趙與憲更新之 按欽若奏請
西湖為放生池蓋指通湖而言故建德生堂在今之
昭慶寺外非今所謂放生池一窪之地也 勝蓮社
約西湖南宋
放生池也

一枝笑靨倚西風異品香茸發禁中踏過馬嚙紅杏雨
鞠花高埴鬪瓊瓏

花史臨安有大笑鞠其花白心黃葉如笑或云即杞
杞鞠 羣芳譜臨安西馬塍園子每歲至重陽謂之
鬪花各出奇異者有八十餘種 佩常齋集西馬塍
邊紅杏雨金牛寺外白楊風 誠齋集經和寧門外

賣花市見鞠詩有平地拔起金浮屠瑞光千尺照寒
碧乃是結成鞠花擒蜜蜂作僧僧作蝶鞠花障子更
璵璣生採翡翠鋪屏風 鞠譜余在臨安西馬塍園
子每至重陽鬪花不暇悉求其名余於禁中大園子
處得鞠品近六十種與外異者黃鶴翎黃羅撒報君
知狀元黃翦金毬銷金鞠火煉金檀香毬黃五九鞠
萬卷書金芍藥金孔雀金盞銀臺荔枝鞠銀撚絲試
梅妝玉芙蓉一弄雪白雪團玉繡毬白疊羅水晶毬
月下白玉牡丹玉寶相白西施粉鶴翎玉樓春紫霞
杯紫牡丹朝天紫紫骨朶紫絨毬菡萏紅墨鞠狀元
紅海東紅錦心繡口紫綬金章大紅袍慶雲紅帶笑
鞠合歡鞠樓子紅冬鞠鶴頂紅猩猩紅西番蓮添色
喜容海棠嬌赤金盤金錢豹醉楊妃平分秋色金鞠
對芙蓉鴛鴦錦錦麒麟團圓鞠五色鞠順聖淺紫

花街貴宅弄春幡小象裝成風景繁一十三層黃累戲

嬌民爭入杏花園

夢梁錄立春街市以花裝欄坐乘小春牛春幡春勝
各相獻遺與貴家宅舍亦豐稔之兆 武林舊事大
禮縛青城齋殿每隊歌頌唱和杵歌等曲命衆院教
衆前導蠻奴乘之手執短鑲旋轉跪起悉如人意市
井因競市繪塑小象以饋四方 霞外集嬌民技藝
也天生鬪巧爭奇事事能稚子土宜偏劇戲浪兒黃
累十三層 宋稗類鈔湧金門有杏
花園游人取其黃土戲捏為人形

三三五五逐春場鼓板嗤他亦號荒張五牛新翻誤賺 引人聽到尾聲長

都城紀勝街市有樂人三五為隊專趕春場看潮賞
芙蓉及酒坐祇應與錢亦不多謂之荒鼓板 古杭

夢遊錄唱賺在京師只有纏令纏達中興後張五牛
大夫遂撰為賺賺者悞賺之意令人正堪美聽不覺
已至
尾聲

寒食家家柳眼明朝陵車馬出山城遙憐茸母煙生處
望祭南屏實愴情

夢梁錄清明寒食家家以柳條插門名曰明眼前五
日發宮人車馬往紹興攢宮朝陵至日車駕詣赤山
諸攢宮 鶴林玉露臨安淨慈寺後有望祭殿每歲
寒食朝廷望祭西京諸陵祝版詞苑寓祭之權宜愈
深愴慕 詞品徽宗在北遇清明日詩曰茸母初生
認禁煙無家對景倍悽然帝城春色誰為主遙指卿
關涕淚連注
茸母草名

荒郊野祭棗薑擔靚婦遊逢三月三地上天宮春九莫
牡丹新插馬頭籃

乾淳歲時記清明前三日家皆插柳大家則加棗餲
於柳上上塚者多用棗餲薑豉而野祭尤多婦人淡
裝素服提携遊女分俊遊息楓窻小牘汴中呼餘
杭百事繁庶地上天宮秋崖小蘂湖上詩今歲春
風特地寒百花無賴已摧殘馬啖曉雨如塵細處處
筠籃賣牡丹夢梁錄春光將莫百花盡開賣花者
以馬頭竹籃盛之歌呼於市

都城夜市客爭嬉名榜山三字畫竒聽到桃花三月放
駸駸朝馬踏朝曦

都城紀勝夜市除大內前後諸處亦然惟中瓦前最勝又酒家酒閣名廳院若樓上則又或名為山一山二山三之類牌額寫過山非特有山謂酒力高遠也又官酒庫有樓曰西樓樓攻媿書榜後為好奇者取去方輿勝覽夜市三更燦爛樓臺之燈火春風萬井喧闐簾幙之笙歌夢梁錄沙戲兒藏香細扇融和坊賣卦名桃花三月放者皆杭城夜市

此日輕儇嗟士風
諠談盆盎浴堂中
摩睺羅樣點雕戲
燈禁自應先蠟紅

癸辛雜識賈似道為相學舍纖悉無不知之雷宜中長成均直舍久圯遂一新之或書壁云碌碌盆盎中忽見古墨洗雷尚未之見一日見賈忽云碌碌盆盎中雷恍然不知所答久之入成均浴堂見壁書此乃

悟云 三朝政要賈相患舉人猥衆御史請置士籍
覆試之日露索懷挾辛未榜李鈞孫者少時戲雕摩
暎羅於股間搜者視之駭曰此文身者事聞被黜
朝野雜記燈挾之禁近歲雖行國子監及南省行之
兩浙漕司則雖禁燈而已弛挾書之律矣其他郡國
秋試達旦乃罷紹興二十九年王瞻叔護試復禁之
然習俗已久今
東燭挾書如故

易名盛典感人神一字忠奸大義申父老至今談六檜
墓田新土賜麒麟

天祿識餘宋贈岳鄂王謚忠武文曰李將軍口不出
辭聞者出涕胸相如身雖已死凜然猶生又曰易名
之典雖行議禮之言未一始為忠武之號旋更武穆
之稱獲睹中興之舊章灼知皇祖之本意爰取危身

奉上之實仍采勘定禍亂之文合此兩言節其一惠然今天下岳祠皆稱武穆此未定之謚當稱忠武為宜成化杭州府志宋少保鄂國武穆王孝宗為雪其冤初謚武穆寶慶二年改謚忠武元至正中加謚保義謚法通考申王秦檜紹興中謚忠獻開禧三年追奪王爵改謚謬醜嘉定元年史彌遠奏復王爵贈謚宋元通鑑寶祐二年詔太常釐正秦檜謚法因諭輔臣曰謚謬狠可也篁墩文集跋楊補之松檜圖云宋季有永嘉處士胡褒者憤秦檜之奸題其堂曰六檜蓋以六隱戮字也柳待制集六檜堂王淮記翰墨叢紀岳武穆家謝昭雪表青編塵乙夜之觀白簡悟士人之譖湛淵集詠岳王孫縣尉復棲霞墓田詩岳鄂諸孫復墓田清明寒食起新煙道傍為我除蒼檜山下如今哭杜鵑高廟神靈應悔此中原父老尚淒然西湖靡靡行人去却望棲霞轉可憐

一聲清蹕訝天臨萬騎雲環相府深廟主蒼黃遷校窟
蠭蛸刺目極傷心

播芳大全文粹駕幸秦丞相府啓元戎萬騎星拱轅
門清蹕一聲天臨相府云云程史望仙橋秦檜賜
第其東偏即檜家廟西則一德格天閣之故基檜薨
於位燔不能決去請以其姪烜為光祿丞留蒞家廟
冀復居之言者請罷烜遷
廟主於建康遂空其居

掖垣清職棄如遺片石休嗟瘞草時不敵四夫人擘阮
錦裯紅縐索新詞

餘冬序錄韓侂冑當國欲網羅四方知名士相羽翼
嘗築南園屬楊萬里為之記許以掖垣萬里曰官可

棄記不可作韓志改命他人萬里卧家十五年皆其
柄國日也事見楊本傳 四朝聞見錄陸游為韓作
南園記又有鄭絳者嘗第進士自作南園記併礬石
以獻韓以陸記為重仆鄭石瘞之地後韓敗鄭竟免
又韓喜陸附已至出所愛四夫人擘阮
琴起舞索公為詞有飛上錦裯紅綯之語

淮南一蹶竟誰憑打譚翻將樊惱增江上竹光方快飲

庭前何惜碎生菱

四朝聞見錄韓用兵既敗鬚鬢俱白莫知所為伶優
因上賜宴設樊遲樊噲旁一人曰樊惱揖問樊遲誰
與取名對以夫子所取又揖問樊噲曰爾誰取對曰
漢高所命又揖樊惱云誰名汝對以樊惱自取又因
郭倪郭杲敗值賜宴以生菱進於卓上命二人移卓
忽生菱墮地盡碎一人云苦苦壞了許多生菱只因

移果卓都城紀勝雜劇中副淨色發喬副末色打
譚又或添一人裝孤 函史寧宗開禧用兵淮漢師
敗薛叔似以怯懦為韓所惡項安世因貽侂冑書曰
偶送客至江上飲竹光酒半醉書不成字韓大喜曰
項平甫乃爾閑暇
遂除湖廣總督

深堂羅木生前慮淺土蘆花死後悲在昔曾聞呼冷盞
至今唯見說韓桀

四朝聞見錄韓侂冑敗籍其家卧内青紬帳後以羅
木自圍其寢防刺也 又韓敗韓功德寺佛像已與
他所而金碧木石俱空登其母魏國夫人塚旁有蘆
束淺土半露問之乃韓之尸其首已送之北也 又
賣漿者敲其盞以喚人曰冷底喫一盞冷謂韓盞謂
斬也 又姑蘇有地名韓墩產韓桀為天下冠中都

謂之韓墩黎後因先皇諱改為韓村黎侂冑專國餽者不敢謂韓邨直曰韓黎蓋中都以外人為村故諱之

唐突平章是牧童朝耕莫飯唱林風尋詩趙尹偏多事

屏上空題杜宇紅

昨非巷日纂侂冑過南園山莊趙師霽偕行至東邨別墅宛然卿井見林薄中一牧童歌曰朝出耕田莫飯牛林泉風月共悠悠九重雖竊阿衡貴爭得功名到白頭趙呵曰平章在此誰敢唐突跡牧童至草廬屏上有詩云玉津園內行天討怨血空啼杜宇紅後端為史誅於玉津園

媚語相依北斗光園丁亦自頌師王惟憐他日雙扉掩

零落寒亭晚節香

癸辛雜識傳伯壽上韓侂冑啓有云人無恥矣咸依
右相之山我則異於獨仰韓公之斗四朝聞見錄
南園乃慈福所賜韓者掌園金其姓皆武爵之近上
者聽其滿口皆稱師王師謂太師王謂郡王韓敗後
掌園之人閉園三日夜外人絕不與之通又南園
中有亭曰晚節香植鞠二百種亦取其祖詩句陸游
記中不
及云

鐵槍雄盜渡淮南泣別紅妝赴碧潭後夜捷音仍不至
相公區處又何堪

三朝野史李全擾淮時史相彌遠在朝堂束手無策
訛傳全軍渡江史夜半披衣起愛寵林夫人隨後見

史欲投池中林急扶住泣曰相公且少耐區處數日後即得趙葵捷書 宋史紀事李全能運鐵槍號李

鐵槍

歸路晴煙草色纖公餘息影任休恬斷堤野水梅花宅
占取湖園六事兼

咸淳臨安志賈魏公賜第葛嶺歸葛嶺舊居詩罷官
歸舊宅山水得頻過息影影堤邊樹清心湖面波勞無
功可紀頑有命相磨見說連朝雨田家正剪禾 萬
歷杭州府志賈似道題孤山詩半是樓臺換却春幾
回獨立更消魂斷堤野水梅花宅千古春風一月痕
悅生堂隨鈔洛人云園圃之勝不能相兼者六務
寬大者少幽遠人力勝者乏閑古水泉
多者無眺望兼此六者惟湖園而已

題名到處侍兒孫
鵷鷺招邀半在門
燈色秋山無限好

相公風月細評論

咸淳臨安志大仁寺山頂有石巷一名天然巷洞崖
彷彿有東坡題名咸淳三年賈似道遊山題名九月
二十八日賈似道領客東元嘉史有之廖瑩中黃公
紹王庭來游子德生孫蕃世侍又旌德顯慶寺在
小麥嶺題咸淳三年九月二十四日賈似道因展先
墓為泉石一來客東元嘉廖瑩中俞昕黃公紹王庭
子德生諸孫蕃世僧法照智印祖印文珣又龍井
延恩院在風篁嶺題名靜庵丘攸賈似道乙未臘月
來遊復亨泰侍後三十一年夏閏大丞相魏國公再
登揆席少駐湖曲賜第因謁演福來此客廖瑩中陳
詩川從子德生侍又龍泓洞題名咸淳丁卯七月
十八日賈似道以歲事禱上竺回憇於此客東元嘉

俞昕張濡黃公紹王庭從子德生侍期而不至者廖瑩中又治平寺太傅平章賈魏公舊遊題名天台賈似道竺澤陸叡新安汪儀鳳永嘉沈厚潘方楊應華周之德曹元發黃德方陳淳祖以嘉熙戊戌元日登治平寺序拜煙雲閣上期而不至者鄭泌安劉翁孟寅趙希彭曹良朋曹遵又下天竺題名賈似道比以歲事禱靈隱迄幸有年飯僧已因過此山吳子聰東元嘉丘復亨俞昕廖瑩中張濡黃公紹王庭從焉子德生諸孫蕃世侍僧法煦德寧時舉妙寧俱咸淳三年歲丁卯十月望江湖長翁集西湖詩遊客半駕鷺自註云暇日朝士多在湖上咸淳臨安志賈魏公下天竺通元菴詩燈色難禁雨秋聲不離山

籤節泥金開劇精墨丸香印散煙輕後先向廖元相匹

閱古堂過又悅生

癸辛雜識賈廖刊九經本最佳裝褙以泥金為籤
居易錄賈似道鑒畫有悅生小印往往於士大夫家
見之癸辛雜識載其與門客廖瑩中刊書甚多聊志
其目全唐詩話悅生隨鈔一百卷所援引多奇書九
經以撫州草鈔紙油煙墨所造最精研北雜志韓
侂胄閱古堂圖書皆向若水鑒定湧幢小品韓魏
公閱古堂在定州侂胄
建於臨安者仍祖名也

琢就新詞唱箇儂恩私門吏得從戎黃金特鑄匣盤貴
頌禹尚書勒篆工

詞筌賈循州好集文士於館第時推廖瑩中為最其
詩文不傳偶見鈔本箇儂一詞頗富艷詞云恨箇儂
無賴賣嬌眼春心偷擲蒼苔花蕊先印下一雙春跡
花不知名香纔聞氣似月下瑩候蔣山傾國半解羅

襟蕙薰微度鎮宿粉棲香雙蜨語態眠情感多情輕
憐細閱休問望宋牆高窺韓路隔尋尋覓覓又暮雨
凝碧花徑橫煙紅扉映月儘一刻千金堪值卸袂薰
籠藏燈衣桁任裏臂金斜搔頭玉滑更恨檀郎惡憐
深惜儘頭裏周旋傾側軟玉香鉤怪無端鳳珠微脫
多少怕聽曉鐘瓊釵暗擘志雅堂雜鈔賈似道自
江上奏功廖瑩中以從戎功特賜黃金百兩廖鑄匹
盤以為酒器楊尚書作篆古勒銘有云國有大功一
相禹胙曰余瑩中與隨旆旃文呂孫
子足寶是用誰其銘之史臣楊棟

乞將秘府藏千卷蕙草芝蘭鸞錦裝五雀有圖雀白寫
尾銜小印悅生堂

清河書畫舫似道家藏名跡多至十卷其宣和紹興
秘府故物往往乞請得之今錄其稍隱僻者有薛濤

蔥草詩韓偓芝蘭帖錢鏐貢棗等帖齊東野語思
陵妙悟八法訪求法書名畫故紹興內府所藏不減
宣和其裝標裁制各有尺度印識如紫百花鸞錦碧
鸞綾托襪之類雲煙過眼錄崔白五雀圖皆賈氏
悅生堂物其間一印
云賢者而後樂此

貯舞藏歌樂此生相公惟願頌昇平園泉歷歷都堪記
洞口水香茶更清

癸辛雜識賈相集芳園南山水樂洞賜園等志之郡
乘有云藏歌貯舞流連光景使園圃常興而無廢天
下常治而無亂非後天下之樂而樂者其誰能咸
淳臨安志棲霞洞內有水洞深不可測水極甘冽魏
公嘗調以瀹茗

譚玉精詳誰與同古花文篆辨青紅何來媚士無相識
盡去低頭拜玉工

三朝野史賈相當軸收古銅器法寶用譚玉辨驗
史緝似道當國監司郡守貢獻不可勝紀趙潛等爭
獻寶玉陳奕至以兄事似
道之玉工陳振民以求進

回首東都老淚垂水晶遺注忍重窺南朝還有傷心處
九廟春風盡一犁

續資治通鑑高宗南渡有將水晶注碗權場交易見
之泣云此哲廟陵寢中物也又端平初金人失國
元許本朝遣使朝陵殆三京之師
一出元大怒陵廟盡犁為墟矣

錢唐博士有文孫藏得雙環竹葉痕
雒誦遙村燈火句
自來詩律重金昆

夸堅志錢唐關子東博士家其孫出乃祖所藏水晶
條環表裏瑩徹中有生竹葉一片春渚紀聞鐘聲
互起東西寺燈火遙分遠近卽此余友關子東西湖
夜歸所作非身到西湖不知此語形容之妙關氏詩
律精深妍妙世守家法子東二兄子容子開皆稱作
者浮溪集關注字子東世為錢唐人登紹興五年
進士第教授湖州官至太學博士
子東自號香巖居士有關博士集

東野清寒自可憐
愛花名稱鞠花仙
年年風雨重陽日
空酹西郊一掬泉

萬歷杭州府志沈鞠山失其名字袁州宜春人由進士知錢唐嘗植鞠數百本以自樂晚節益堅適以九月九日歿朱文公挽之以詩愛鞠平生不愛錢此君原是鞠花仙正當地下修文日恰值人間落帽天生與唐詩同一脉死隨陶令葬千年如今忍向西郊哭東野無兒更可憐鞠山名字失傳建樹無攷可據者晦翁一輓詞耳然賢者不輕與人繹其語意微為廉吏云

斷碑荒樹總飄零南圃關情草色青公子自餘今昔感
夕陽秋水望西冷

山中白雲詞張叔夏過慶承園有調寄高陽臺詞云故園已是愁如許撫殘碑却又傷今更關情秋水人家斜照西陵註秋水觀賈相行樂處又自叙云園即韓平原南園僅存丹桂百餘株有碑記在荆榛中故

詞句有亦猶今之視昔之感
復嘆葛嶺賈相之故廬也

中外叅差滴漏聲院中學士任淒清內門唱徹連珠諾

珂繖搖心促那行

玉堂雜記禁中四鼓乃在外三更學詩初藁夜步
臨安內門詩靜夜孤燈人未眠等閒行過內門前一
聲唱徹連珠諾碧檻朱闌綠柳邊註皇城夜間唱連
珠諾鶴山集紫宸殿詩珂繖搖心夢不成忽聽吏
早放衙聲吹燈撥火供晨粥起到皇城恰六更老
學巷筆記有官入殿門閣門輒促之曰那行予去國
二十七年復還朝儀寢有
不同唯此聲尚存那去聲

張家樂部已凋殘委骨春塵麥嶺寒占得青鳥多吉兆

百年詩禮盛衣冠

四朝聞見錄慈明楊太后葬其母於羣宮人塚旁葬處蓋天造地設山自南高峰為岡阜至夫人隴忽踊去若龍昂首為嶺春陽發達夫人墳有物若鍾乳結成甃淵泉環繞源出百里其家克知詩禮福祿未艾也

禁籞紅廊奉詔遊九翬四鳳翠光流慙慙好謝清寒客
斷雨飄雲帝子愁

武林舊事南渡公主無及嫁者惟理宗周漢國公主
出降楊鎮先一日宣宰執詣後殿西廊看公主房奩
有正珠九翬四鳳冠北珠花冠正珠翠領四時衣服
等物 三朝政要開慶元年四月上試進士賜周震

炎等及第進身有差時周漢國公主方選尚丁大全欲用新進士為駙馬命考官實震炎第一倡大平狀元之說以媚上震炎草茅士年幾三十矣恭謝日公主於屏內窺之不悅事遂寢

焜煌宸翰護松風權奉天章寶閣中敬羨文明稱繼美成編百卷兩朝同

魏郊錄中興而後惟建天章一閣以藏祖宗御書今行宮大內之後萬松嶺有地舊名天章閣日歷載紹興十九年從義郎趙子嶽投進太祖御容一軸赴天章閣收奉訖咸淳臨安志祖宗諸閣在禁中藏祖宗御書圖籍寶瑞置學士直學士等員惟天章閣以奉列聖御容南渡重建不以除官蓋天宇非臣下敢稱亦以神御所在不可與他閣例言也玉海紹興二十四年實錄院奉詔編次徽宗御集成上之翰院

擬撰閣曰數文書成凡詩百九十有五宮詞二百賦
一序十二記十碑四策題九文七樂章二挽詞二十
七雜文十五詩解九論語解二道德經解八南華沖
虛經解二十聖濟經十科儀二政事手札千三百五
十邊機手札二百四十四通為百卷上御垂拱殿再
拜受書親製序冠於篇首權奉安於天章閣又開禧
元年實錄院上高
宗御集一百卷

殿開打麥先農務臺設觀耕事灌耜璘箔傳來今不舉
閑他繭館女尚書

女紅餘志蚕箔名璘籍 文獻通考紹興二年上謂
輔臣曰朕聞祖宗時禁中有打麥殿今朕於後圃令
人引水灌畦種稻欲知稼穡之艱難又命臨安府守
臣度城南之田得五百七十畝有奇迺建思文殿觀

耕臺神倉及表親耕之田 又紹興十五年太常王
湛請按政和禮建親蠶殿蠶室繭館請皇后就禁中
行親蠶之禮朝旨送禮部下太常寺討論不果行
攷舊制皇后親蠶女尚書著貂蟬佩璽陪乘

餅餌生香餽幾枚水沉黏瓣製徘徊兒家自點梅花粥
露濕親封小蕊來

夢梁錄徘徊花貴官家以花片製作餅兒供送 誠
齋集玫瑰詩別有國香收不得詩人薰入水沉中
傳是樓類書鈔本宋時有梅花粥楊誠齋云蜜點梅
花帶露餐及脫蕊收熬粥食之取其助雅致清神思
也 山家清供誠齋梅粥詩脫蕊
收將熬粥吃落英仍好當香燒

曲頸當胸斜按嬌雲楸面子數峰描舊京式樣都零亂

賸有清歌大海潮

篋衍集孔尚任大海潮小吟蟬兩琵琶歌其一龜錦
裘周身翦犀鏤牙如縷織背上雙鈕蹲盤螭盈尺曲
項玳瑁飾雲楸面了波濤生三十六峰尤奇特橫挾
不起斜按難滿輪明月遮胸臆大者名為大海潮南
宋流傳今到北 東京夢華錄教坊樂部
前列拍板一行次一色畫面琵琶五十面

薄綃舊染露珠香宮樣新翻梅雨涼底事頻誇天水碧
曾無北紫關遐方

紫桃軒雜綴峽石人積梅雨水以二蠶質綠絲織紬
有自然碧色名曰松陰色享上價此法本宋寧宗宮
禁有為之者一時號為天水碧天水本趙宋郡望碧
者畢也未幾果有航海之應 通雅淳熙中北方染

紫極鮮明中國亦
效之謂之北紫

東都登頓下江南霜鬢風鬟意不堪
文筆誰宗易安李

秀齋方與鮑清菴

貴耳錄李易安居士趙明誠妻南渡來常懷京洛舊
事晚年賦詞有於今憔悴風鬟霜鬢之句又清菴鮑
氏秀齋方氏淳熙間二婦人文筆可繼易安之後
詩說雋永今代婦人能詩者前有曾夫人魏後有易
安李李在趙氏時建炎初從秘閣守建康作詩云南
來尚怯吳江冷北狩應悲易水寒又云南渡衣冠少
王導北來消息欠劉琨 四六談麈祭文唐人多用
四六韓退之亦然故李易安祭趙湖州文云白日正
中嘆龐翁之機捷堅城自墮憐
杞婦之深悲婦人四六之工者

愁向天津聽杜鵑宮姬鵲鬢已堆殘忍聽笛吹南來怨

三十六宮秋草寒

志雅堂雜鈔陳石泉自北歸有北人陳絳政餞之木
蘭花慢云歸人猶未老喜依舊著南冠正雪暗滹沱
雲迷芒碭夢落邯鄲鄉心日行萬里幸此身生入鬼
門關多少秦煙隴霧西湖淨洗征衫燕山從不見吳
山回首一歸難慨故都離黍故家喬木那忍重看鈞
天紫城何處問瑤池八駿幾時還誰在天津橋上杜
鵑聲裏闌干容齋題跋北人張侍御有侍兒意狀
可憐乃宣和殿小宮姬也翰林吳激賦詞有仙姿勝
雪宮鬢堆鵲江州司馬青衫淚濕同在天涯之句
詞品南渡後有題聞笛玉樓春詞於杭京者云玉樓
十二春寒惻樓角莫寒吹玉笛天津橋上舊曾聽三
十六宮秋草碧韶華人去無消息江上青山空晚色

一聲落盡短亭花
無數行人歸未得

宣和名艷舊時嬌
煙墨青螺著意描
淚濕臨安來市上

鶯花蕉翠可憐宵

玉照新志秦妙觀宣和名倡也色冠都邑畫工多圖
其貌售於外方陸升之客臨安雨中一老婦人蓬首
垢面丐於市藉檐溜以濯足泣訴於升之曰曾聞秦
妙觀否妾是也雖掩抑困頓而聲音舉止固自若也
畫史會要盛陳顯工仕女泥面每用
北螺青或煙墨水淡開謂之青城粉白

波含木葉洞庭秋
院體新評御筆收
誰畫江南好煙水
園前第一數營丘

姚古錄氣霽地表雲欲天末洞庭始波木葉微脫春
草碧色春水綠波送君南浦傷如之何海風吹不斷
江月照還空四更山吐月殘夜水明樓此乃宋畫院
試題思陵嘗自出新意以品畫師居易錄畫家有
兩李營丘北宋李成人皆知之南宋李永亦稱營丘
知之者殊少王穉登云李營丘以山水擅名為宋畫
院第一謂永也寶顏堂筆記武
林地有號園前者宋畫院故址也

賞識誰云定李唐折蘆蘭葉在豪芒南朝畫記何人續
一一名圖發妙香

畫鑒宋南渡畫院諸人僕於李唐差加賞識 彛門
廣牘梁楷撒捺折蘆描 珊瑚網馬和之蘭葉描
輟耕錄陳德輝續畫記一卷高宗建炎至幼主德祐
乙亥一百五十人按是書今不傳 書畫彙考南宋

畫院李唐南畝圖蘇漢臣熾盛光佛像日月珠幢像鬋華
天葛覃等圖蘇漢臣熾盛光佛像日月珠幢像鬋華
菩薩像揭諦神像李迪湖石海棠圖水仙咏梅圖楊
仕賢山水開精舍圖豐興祖照殿紅山茶圖會禽圖
吳炳春池睡鵲圖鴛鴦瑞蓮圖折枝寒菊圖蕭照赤
松黃石圖採芝仙女圖劉松年耕織圖馬遠石鼎聯
句圖旗亭記曲圖蓮舟邀月圖馬遠教鸚鵡仕女圖
祝雞翁圖梁楷孫子北牕八變陣圖世室明堂宗廟
位次圖夏珪柏人宵征圖秋風斜谷圖溪橋暗雪圖
雪夜歸帆圖陳居中落日照大旗圖王輝散花圖韓
祐草蟲圖朱懷瑾寒花待雪圖響泉圖陳清波三潭
印月圖蘇堤春曉圖石屋煙霞圖貝葉注經圖孫覺
撲蝶仕女圖香紈仕女圖胡彥龍北方毘沙門天王
像諾矩羅尊者像授捨天王像天龍神鬼像散花神
女像魯宗貴竹枝山鷓鴣圖梨花白燕圖玉茗圖錢光
普啞藻魚圖陳可久柳絲魚影圖蘇堅正誥事蹟圖

崔友諒春山圖徐道廣華清宮圖李德茂白鷗圖顧
師顏繡佛圖史顯祖陸羽品泉圖朱玉凌霄四帥圖
朱光普農家迎婦圖秋山圖朱紹宗蕭翼賺蘭亭圖
薄荷醉貓圖陳善清猿求木圖羣猿越澗圖開房石
榴圖劉宗古詩女圖范彬六橋桃柳圖張仲紺珠蓮
交頸鴛鴦圖按西湖志餘於畫院諸人著錄寥寥
予友厲君太鴻輯南宋畫院錄八卷儲
藏題跋蒐羅甚富此亦嘗鼎一臠也

國香零斷失清芬本穴浮根思不羣
最憶酒邊花下客
冰絃愁滿賦湘雲

雪濤詩評趙子昂宋宗室一人題子昂畫蘭云近日
國香零落盡王孫芳草遍天涯蓋譏之也遺民錄
鄭思肖字憶翁號所南福州人為太學上舍應宏詞
科元兵南下扣關上太后幼主疏辭切直忤當路不

報初諱某宋亡乃改名思肖即思趙憶翁與所南皆
寓意也坐卧不北向扁其堂曰本穴世界以本之十
置下文則大宋也精墨蘭自更祚後為蘭不畫土根
無所憑藉或問其故則云地為人奪去汝猶不知耶
鐵網珊瑚趙子固以諸王孫負晉宋間標格愛作
蘭蕙酒邊花下率以筆硯自隨畫史會要子固善
水墨白描水仙梅蘭山礬竹石
瀕州漁笛譜周草
窻賦趙子固凌波圖詞國香流落恨正冰銷翠薄誰
念遺簪水空天遠應念磬弟梅兄
渺渺魚波望極五十絃愁滿湘雲

冷葉疎枝劇可哀空傳奉勅寫邨梅同時困頓南遷客
破費胭脂幾許來

春雨集楊補之无咎所居蕭洲有梅臨之以進徽廟
戲曰邨梅南渡後紹興中嘗畫作疎枝冷葉清意逼

人自署奉勅村梅而徽廟不及見矣已瘡編畫梅
有名者如宋時楊補之作梅自負清瘦有持入德壽
者內中頗不便於逸興謂曰村梅補之因自題曰奉
勅村梅云續書畫題跋記李唐初至杭無所知貨
楮畫以自給甚困有中使識之曰待詔作也遂奏聞
唐之畫杭人即貴之唐有詩曰雪裏煙邨雨裏灘為
之如易作之難蚤知不入
時人眼多買胭脂畫牡丹

蟹腊蛇王藏畫簾花鬚魚鬚戲銅鉦年來不覩承平事
想煞王生與戴生

癸辛雜識故都戲事呈水嬉以髹漆大斛貯水小銅
鑼為節凡龜鼈鰕魚以名呼之浮水面戴戲具而舞
王生畫花鳥人物千餘事定箭中物如花鬚魚鬚燕
翅之類雖極微渺無不中之太廟前有戴生蓄異蛇

數十種最大者長數尺如殿楹呼為蛇王無他生產凡所資命惟視吾蛇在耳彷彿秦龍之技有道人負一簾視之皆枯蟹至百餘種如惠文冠如皮弁如箕如瓢如虎如龜如螳蜋或赤黑紺班如玳瑁或粲如茜錦其一上有金絲

皆平日目所未覩

花傳佳種玉瓏鬢並蒂鴛鴦亦著紅更有蕭寥江路客
宮梅不與野梅同

盤洲集偶得梅一種疎枝清香附萼之花五出與江梅無異但花色微紅而五出之上復有一重或十葉或九葉他皆並蒂雙實俗呼為鴛鴦梅 風月堂雜識玉瓏鬢浙中謂之睡梅 圖繪寶鑑丁野堂名未詳住廬山清虛觀善畫梅竹理宗因召見問曰卿所畫者恐非宮梅對曰臣所見者江路野梅耳遂號野

風騷散佚罕流傳力購開雕讀御前空費元嘉詩禁密

紛紛箋釋闢新編

六研齋三筆思陵極愛蘇公文詞力購全集刻之禁
中 庚溪詩話孝宗愛蘇軾文乾道中梁丞相叔子
侍講席上因論文問曰近有趙夔等註軾詩甚詳卿
見之否梁奏曰臣未之見上曰朕有之命內侍取示
之 施註蘇詩王註正譌云分類蘇詩註三十二卷
舊刻永嘉王十朋龜齡纂集 洪武蘇州府志顧禧
字景蕃吳郡人不求祿仕居光福山紹興間有司以
遺薦薦不起嘗與吳興施元之註蘇子瞻詩行世
吳興掌故司諫施元之字德初註東坡詩四十二卷
與吳郡顧景蕃為之元之子宿推廣為年譜陸放翁

序 錢唐志廖羣玉有註坡詩以海陵顧註
為祖而益以他註與戰國策皆欲刻而未成

江南黃葉亂秋空偶感宸書野寺中遺藁不勝三致意

無邊風月系文忠

六研齋筆記武林潮鳴寺有宋思陵賜統制劉漢臣
詩野寺參差落漲痕疎林歇側露霜根扁舟一棹向
何處家在江南黃葉邨此蘇子瞻詩也起句第二字
是水字只改一寺字遂掩而有之思陵博學斷不如
是當由一時在寺中偶御筆書之以賜劉而寺中欲
假以為重乃改字勒石以侈榮觀耳 玉海乾道九
年孝宗御製文忠蘇軾文集贊并序內贊云敬相高
風恨不同時掩卷之歎播以聲詩選德殿書賜蘇軾
又先是有詔贈大師 朝野雜記孝宗在翠寒堂
嘗曰子瞻以風月為無盡藏信哉上雅敬蘇文忠居

常止稱子瞻或稱東坡 宋史本傳高
宗即位贈蘇軾資政殿學士謚文忠

峰攢千疊卧犀泉山水清居好味禪去住老僧休作偈

菜園新詔賜嬋娟

咸淳臨安志卧犀泉鄭戩靈隱天竺詩集序云若夫
玉巖青壁犀泉龍賜峰攢千疊松排萬蓋山之境也
據此則青壁攔卧犀泉皆在靈隱天竺之間 隨隱
漫錄閭妃以持旨奪靈隱寺菜園為功德寺住持冲
癡絕示衆云欲去不去被去礙欲住不住被住
礙云云 咸化杭州府志卧犀泉在醴泉側

道學誰將倡盛朝獨聞忠謹冠羣僚清居賸有風徽在
至竟人呼博士橋

萬曆杭州府志李性傳字成之宗正寺主簿李舜臣之子宋寧宗嘉定四年舉進士歷轉運幹辦行在諸軍審計司進對有崇尚道學之言稱旨遷武學博士嘗寓居武志坊巷以修武志故名其橋為博士橋巷

曰武志坊

十里山堤散客襟芹芽菰米趁幽尋雪甌初汎蓮花院

第一泉香記小林

誠齋集過臨平蓮蕩詩人家星散水中央十里芹羹菰飯香想得薰風端午後荷花世界柳絲鄉咸淳臨安志蓮花井在小林蓮花院范令光記臨平山後數十里井鹵惡余客小林四面散汲其味畧同與范右之蔡及之納涼蓮花院院有三井扣僧孰勝僧指露井最良余亟取烹茗清甘寒冽自是日走壁奴二

巽斯不輕費品此
泉為小林第一

荆山嶺半白雲開水面橫斜盡野梅築得團蕉香裏住
隔橋走杖一僧來

西溪梵隱志春雪菴在荆山嶺左淳祐中沙
門熙春號雪山結菴靜攝有樂靜堂植梅花

砌出山城輦道長翠華頻幸過琳堂一十平八里秦亭
路祇奉宸遊入禹航

西溪梵隱志西溪留下谿路皆輦道石平如砥浙
江通志歷方井法華秦亭幾十有八里為南宋車駕
入禹航洞霄宮輦道又靈隱寺有輦路一路砌為
城者南宋時為翠華臨幸也徑山集樓鑰徑山興

聖萬壽禪寺記顯仁皇后高宗皇帝
帝皆常遊幸御書龍游閣扁榜

蓀壁清幽圖史安秀生衣袂染秋蘭舊時寫出桃花扇

小種歐虞香可餐

佩楚軒容談金應桂字一之雅標度能歐書受知賈
似道晚居西湖南山中築蓀壁山房左弦右壺中設
圖史古奇器客至撫摩諦玩清談灑灑每肩輿入城
府幅巾氅衣望之若神仙然絕妙好詞竇房李彭
老商隱寄題蓀壁山房詞調寄高陽臺石筍埋雲風
簟嘯晚翠薇高處幽居縹簡雲籤人間一點塵無綠
深門戶啼鵲外看堆牀寶晉圖書儘蕭閒浴研臨池
滴露研朱舊時曾寫桃花扇弄霏香秀筆春滿西湖
松鞠依然柴桑自愛吾廬水絃玉塵風流在更
秋蘭香染衣裾照憲明小字珠璣重見歐虞

南湖老去管風花小部新聲別院誇寒粟香茸有清供
銀絲一鼓勝箏琶

張功甫玉照堂詞南湖老矣無襟度但尊前踉蹌醉飲
紫桃軒襍綴張功甫豪侈而有清尚嘗來吾郡海
鹽作園亭自恣令歌兒衍曲務為新聲所謂海鹽腔
也誠齋集木犀初發呈張功甫詩憶曾風露飄寒
粟自領兒童拾落金武林舊事約齋桂隱百果淳
熙丁未秋余舍所居為梵剎爰命桂隱堂館橋池諸
名各賦小詩總八十餘首逮慶元庚申歷十有四年
之久匠生於心指隨景變移徙更葺規模始全因刪
易增補得詩凡數百綱舉而言之東寺為報上嚴先
之地西宅為安身攜幼之所南湖則管領風月北園
則娛燕賓親亦菴神居植福以資淨業也約齋晝處
以助老學也至於暢懷林泉登賞吟嘯則又有衆妙

峰山包羅幽曠介於前六者之間區區安身嗜靜之
志造物亦不相負矣或問余曰造物不負子子其惡
負造物哉釋名宦之拘囚享天然之快適要當於筋
骨未衰時今子三仕中朝顛華齒墜涉筆總無十二
旬如之何則可余應之曰仕雖多不使勝閑日余之
願也余之幸也敢不勉旃壬戌仲夏張鉉功父書
東寺勅廣壽慧雲大雄尊閣千佛像靜高堂寢
室真如軒種竹西宅叢奎閣安奉四朝被賜
宸翰德勲堂祖廟以高宗御書二字名儒聞堂
前堂用告詞取名現樂堂中堂用朱巖壑語安
閒堂後堂賞正亭山水瀛壖勝處東北小堂前
後山水綺互亭有四可軒柳堂花院應鉉齋
筮得鼎卦故名振藻取告詞中名宴頤軒尚
有軒亦菴法寶千璫鐵鑄千璫藏經千卷如
願道場樂師佛壇傳衣軒寫經寮書華嚴等大乘
諸經約齋泰定軒煙波觀南湖御風橋十

軒櫻桃三十餘株 無所要軒 讀易軒 詠永軒 道德經 餐霞凝	高檜傍 長不寐軒 摘星軒 餐霞凝	洞天 景白軒 寘香山 畫像并文字 文光軒 臨池	書葉軒 柿二十株 綠畫軒 木犀 臨側 俯巢軒	村酒店 鵲泉井名 衆妙峰山 詩禪堂 黃寧	涉趣門 總門入松逕 安樂泉 竹間井 杏花莊	種芙蓉 燕珠洞 餘醺 二十五株 芙蓉池 紅蓮十畝 四面	月橋 飛雪橋 在梅林 中 芙蓉池 紅蓮十畝 四面	池 味空亭 臘梅 垂雲石 高二丈 廣十四尺 攬	界華精舍 夢中得名 撫鶴亭 近松林 芳草亭 臨	百餘椽 碧宇修竹 十畝 水北書院 對山 臨溪	花四 百株 蒼寒堂 青松二百株 艷香館 襟春花	桂隱 諸處總名 今揭樓下 清夏堂 玉照堂 梅	樓前後 十一間 下臨丹桂 五六十株 盡見江湖 諸山	星槎舟名 鷗渚亭 汎月閣 北園 羣仙繪幅	間 閨春堂 牡丹芍藥 杞鞠亭 天鏡亭 水心
---	---------------------------	--	---------------------------------------	----------------------------------	-----------------------------------	---	--	---	--	---------------------------------------	--	---------------------------------------	--	----------------------------------	--------------------------------------

薰軒 楚佩軒蘭 宜雨亭千葉海棠二十株夾流水 聽鶯亭柳邊竹外 滿霜亭橘五十餘株 千歲菴仁皇飛白字 恬虛菴 憑暉亭 美芝亭 都徽別館誦度人經處經乃徽宗御書 水湍 漪嵐洞 施無畏觀音銅像 澄霄堂面東 登巖臺 金竹巖 隱書巖石五仙書在巖穴中可望不可取 古雪巖 新岩 疊翠亭茂林中容十許人坐釣磯 菖蒲澗上有小石橋 中池養金魚在山澗中 藏丹谷 珠旒瀑 煎茶磴 右各有詩在集此不係錄 雲邁澹墨張約齋鎡喜延湖海之士一日午酌數盃後命左右作銀絲供且戒之曰調和好又要有味正味衆謂鱸也良久出琴一張請琴師彈離騷始知銀絲琴弦也調和好調弦也有正味蓋取淵明琴中有正味之意也 案張功父園在南湖即今城北白洋池也

去國靈芝寓遠垌故人落落似晨星歸來空谷風流甚
賸有青山幾疊青

四朝聞見錄慶元元年韓侂胄欲逐趙忠定因以盡
除天下之不附已者名以偽學朱文公去國寓西湖
靈芝寺送者漸少惟平江木川李君杞獨從容叩請
得窮理之學有紫陽傳授行於世通考纂畧熹登
第五十年仕於外僅九考立朝才四十六日太平
清話朱紫陽畫深得吳道子筆法朝野稊記紹興
已卯高宗命召先生乞祠俟滿日赴行在劉忠肅除
御史籍溪胡先生赴秘書正字先生以詩寄之云先
生去上芸香閣閣老新裁獬豸冠留取幽人臥空谷
一川風月要人看又甕牖前頭翠作屏晚來相對靜
儀形浮雲一任閑舒
卷萬古青山只麼青

玉印荒江售釣師御名重識涕漣沔舊傳易運東都事
先有爻辭兆德基

槎菴小乘淳熙中明州士人過曹娥江見漁叟持巨
鯉買得作膾腹中得小玉印有二字不能識以五千
得之後為德壽宮提舉佩腰間光堯見之曰汝何以
得此其以聞上凄然曰此我故物京師玉冊官鑄德
基二字建炎避敵海上誤墮水中今四五十年不意
復落吾目坦齋筆衡道君皇帝大觀二年戊子秋
八月以易數一一口又又一乃御製易運碑刻之延
福殿東壁其畧曰始建元德基高宗御字德基也曰紹
興德壽謂紹興年德壽宮也曰承太乙循運盡在陽
九之數高宗聖壽八十一歲也其後事皆歷驗信乎
聖哲先知之明因往推來
在天數者果不可遁歟

彛鼎雲雷攷鑒精相傳薛篆與張評煙江莽蒼言司婦
劫火消殘百感生

張掄紹興古器評紀紹興內府諸器凡二卷掄字材甫南渡故老好填詞應制極其華艷每進一詞上即命宮人以絲竹寫之嘗同魯覲吳琚輩進柳梢青西江月壺中天酌江月諸篇上極稱賞賜齋甚渥掄曾見汴都之盛每多感慨惜草堂花間諸選不多錄也見評後毛晉跋歷代鐘鼎款識南宋錢唐薛尚功手摹款識之文凡二十卷筆墨最為精妙其討論有出於博古考古二圖之外者此卷流傳不專一氏迄未有刊本明季南州朱謀聖始序而刻之前有張雨趙孟頫楊伯禹周密柯九思幹王倫徒泰不華王行周伯溫豐坊諸跋字皆題其墨蹟也卿嫫記趙明誠幼時其父將為擇婦明誠夢誦一書覺來惟憶三

句云言與司合安上已脫芝芙草拔以告其父父解
曰言與司合是詞字安上已脫是女字芝芙草拔是
之夫二字汝殆得能文詞婦也 漱玉詞附載李易
安金石錄後序述購求之始品鑒之精及遭亂後遷
移之難散亡之易比再至臨安
大畧盡失因序此錄以存其名

爭來南曲索烟花退舍生多近狹斜不道東風花有主

空教分帖野猫家

夢梁錄散樂傳學教坊十三部惟以雜劇為正色又
官妓如金賽蘭范都宜唐安安倪都惜潘稱心梅醜
兒錢保奴康三孃桃師兒沈三姐等及私妓如蘇州
錢三姐七姐李惜惜鼓板朱一姐媳婦朱三姐呂雙
雙十般大胡憐憐婺州張七姐蠻王二姐搭羅丘三
姐一丈白楊三媽舊司馬二孃裱裙陳三媽履片張

三孃半把傘朱七姐轎番王四姐火臂吳二媽浴堂
徐六媽沈盼盼普安安徐雙雙彭新等後輩雖有歌
唱者比之前輩終不如也 貴耳錄成均舊規引試
凡先在三等而今在四等謂之退舍 又學舍燕集
點妓各齋集正出帖子用齋印書仰弟子某人到何
處祇直燕集專有一等野貓兒卜慶等充報 深雪
偶談許左之寓飲妓坊欲狎之妓密有所懼在矣許
賦詞云誰知花有主悞入花深處放直下酒杯乾便
歸去蓋紹興間籍太學
休澣日漫遊酒邊作也

一餉湖亭瑤席通春風憶煞舊瓊瓏城南路接橋南樹
聽玉瓏璁便不同

藏拙藁湖亭席上贈商素詩一曲春風已擅場淺顰
低轉更傳觴令人憶殺香山老舊日瓊瓏也姓商

能改齋漫錄有士人不欲書名嘗於錢唐江漲橋為
狹邪之游作樂府名玉瓏璫云城南路橋南樹玉鉤
簾捲香橫霧新相識舊相識淺顰低笑嫩紅輕碧惜
惜惜劉郎去阮郎住為雲為雨朝還暮心相憶空相
憶露荷心性柳花踪跡得得其後朝廷復收河南
士人陷而不返其友不欲書名作詩寄之且附以龍
涎香云江漲橋邊花發時故人曾共著征衣請君莫
唱橋南曲花已飄零人不歸士人在河南得詩購之
云認得吳家心字香玉窻春夢紫羅囊
餘薰未歇人何許洗破征衣更斷腸

玉牌狼藉冷香塵小閣空餘佛火新歌斷紅甕楊鐵史
柳絲風漾不勝春

堅瓠集云梁溪楊仲弘載一日遊鳳凰山過宋大內
獨步微吟至披香閣扯拾玉牌一事上有詞云內人

曉起怯春寒輕揭珠簾看牡丹一把柳絲收不住和
煙搭在玉闌干為之憮然瞿佑詩話元廢宋故宮
為佛寺西僧皆戴紅氍帽故楊
廉夫宋故宮詩用紅氍為韻

名錄登科決兆先蛛絲紅硯墨花牽天家結網非無效
一榜爭看忠節傳

歸愚集紹興戊午五月余與妹夫章道祖待省試於
臨安之資國寺所用硯上結成蛛網衆以為登科之
祥已而果然筠廊偶筆宋寶祐四年登科錄第一
甲第一名文公天祥第二甲第一人謝公枋得第二
甲第二十七人陸公秀夫忠
節萃於一榜洵為千古美談

四水先生事退潛蒼華髮冷貌清恬搖思自擅蘆洲趣

笛譜西鄰一再拈

剡源文鈔雪周密公謹與杭楊承之大受有連依之
居元受和武恭王諸孫其居之苑籞引外湖之泉以
為流觴曲水大受捐其地之西偏以居公謹故公謹
亦為杭人半軒集有題周草窻畫像云宋運既徂
杭有弁陽周草窻志節不屈觀其自贊之辭可槩見
焉其像藏長洲沈氏絕妙好詞秋崖李萊老寄弁
陽翁詞云蒼華髮冷笑瘦影相看如竹詞綠周密
詞名蘆洲漁笛譜按鄭元慶湖錄云四水者湖城
以苕水餘不水前溪水北流水合而入於郡雲溪故
名四水舊人詩四水交流雲雲聲是也據此則四水
乃湖之地名公謹生於湖中年雖遷杭晚仍歸老弁
山又號弁陽老人則四水潛夫之號亦猶是耳大
滌洞天記杭城癸辛街楊府
瞰碧園有茂林修竹之趣


小架紅亭碧水環上元明月玉簫閑愁聽柳嬌黃後
不忍重過昭慶灣

霏雪錄元帥夏謹齋若水居錢唐西湖之昭慶灣第
宅百餘門乃故宋謝太后歇涼亭如眉壽堂百花堂
一碧萬頃堂湖山清觀等皆宏麗特甚又架船亭水
中每元夕諸堂皆施五色簾放華燈上下輝映花
草粹編湖海紀聞德祐太學生詞云柳柳嬌
黃全未禁風雨柳柳謂幼君嬌黃謂謝太后

衣冠南渡纂興亡回憶東都舊事荒瀕洞忽吹塵世換
濃花淡柳說錢唐

玉海王稱上東都事畧百十三卷其書掇取五朝史
傳及四朝實錄附傳而微以野史附益之野處類

葉上東都事畧成書劉子王偁之父賞在紹興中為
實錄脩撰偁承其緒餘刻意史學斷自太祖至於欽
宗上下九朝為東都事畧竹山詞元夜閒夢華錄
齊天樂詞云華胥仙夢未了被天公瀕洞吹換塵世
淡柳湖山濃花巷陌惟說錢唐而已



南宋禱事詩卷五